



○贈靜岳丁先生七秋冠帶序

去邑舍餘里名靜岳蓋丁氏世居云有靜山公者
則丁氏白眉也

皇上御極之十有一年恩覃海宇

詔七十以上者得冠帶靜山公與焉於是姻友榮公
者各言頌祝將爲登堂稱觴之舉有曰星輝玉良
海渺傳芳允矣君子邦家爲光有曰族衍宗強綿
飀苞桑城南韋杜江東謝王有曰冠袍鞶帶日
有耀載式載瞻天子有詔何以詔之年高

曰肯堂肯構乃積乃倉匪考之紹實台之戶
克儉俾大以昌有曰巍榭曲房縠衣綺裳興至所
進亂以宮商齊彭殤於一致托吟咏以徜徉有曰
顏赤赤髮元元形矍々履翩翩駕黃鵠遊碧天有
曰子如鷺發孫如蘭茁國之居珍匪徒大其闕有
曰松之茂於彼峇嶢鶴之翔際彼雲霄松兮鶴兮
千歲一朝公與侶矣乘風飄搖言既過范子述之
且請益焉鄭子曰嗟言偉矣予何益哉竊聞之積
善降祥天之道也修身俟命人言要也故君子言

人心徵之天格天必求之人予締姻臚川卜築靜
岳日從諸長老遊皆公里中人也因詳公爲人云
公事親孝事兄悌待弟友與族里人家鄙瑣者公
弗有也顧愈謙謹寄居山水間足跡不入城市邑
大夫廉之兩禮賓筵辭勿就族里人信之蓋無異
著蔡焉事出公倡者必羣然趨其有鬪訟者得公
一言以解迹其生平古謂隱君子非歟諸所頌祝
毋亦天道爾爾乎蓋盡人者基之矣因載爲之歌
曰萬石居家公其儔乎彥方居鄉公其流乎大山

竇乎海屋籌乎公異日迺以休乎遂書之以名頌
祝者云

皆

萬歷癸未初夏之吉

賜進士中憲大夫四川按察司副使前刑部河南司
郎中

眷生杞山鄭文茂拜書

晚生鄭崇孝

田繼華

陳懋正


樊國興

田思澤

鄭應陽

樊一桂

樊國宗



李棟 鄭子壽 李逢雲 鄭崇恩

田一元 王命召 李楫 楊夢鵬

田繼榮 劉積茂 應必進 楊春茂

樊夢鸞 陳懋中 范繼正 鄭日強

袁邦達

壻樊夢驥 姪陽光 陽春 逢達姪孫如臯同拜

○詩

皇子生詔天下年上七十有行者予冠帶丁靜山

與焉諸姻為圖賀而屬不佞賦此

靜岳山人靜自便烏紗白髮

上恩偏人從通德知難老天與靈椿有六年錦里
衣冠聯棣萼石橋春雨長芝田前星光映衡門
曉禮斗時時戴九天

萬歷癸未孟夏之吉

○又

崑巖鄭汝璧書贈

千年仙蛻下令威靜岳峯頭傲日暉鶴髮名揚
寶僕典烏紗寵渥芟荷衣桂根盤結蓬壺老鶩

翼連翩秋露飛此日隆筵輝棣萼清平霞酌醉
忘機

翰屏樊經邦書贈



賀應部郡掾少泉丁君六秩序

余縉惟丁氏甲族自兵部帥幹逋公擢監察御史
輝公徙縉以來詩禮貽訓孝義傳家薦紳輩起多
英奇磊落士去邑治十餘里許有笕川乃飲賓叔
茂公話隱世居也其後少泉君少負奇志倜儻非
常人咸推讓緣舉子業不就而授律書從事郡之
兵曹郡大夫噐重之往者接君丰采知爲冀比之
良非久櫪下期之素矣余歷憲臣幾二十餘載荷

主恩浩蕩

有賜容間棲遲樂泌堂中君之從姪叅軍鳳達公與
余最善每過余未嘗不嘖匕君以孝友齊家雍睦
處族從議祠事身先子弟人有危急無不匡扶大
抵輕財挾義有國士風適別駕贊虞公客歲以入
朝抵家就訪堂中亦嘖匕如叅軍云云予擊節歎曰
昔知其槩今得其詳當不負所期矣茲歲戊申春
王正月九日君懸弧辰君之從弟博士員初曙甫
偕諸姪博士員汝善甫汝聖甫慎卿甫順卿甫輦
揖予堂借予言以稱賀予起而謝曰君家少泉者

是余所期也其德量猷爲又得詳之叅軍別駕二
公今也年登六十人情滿嘗世故練達則英樸之
資鎔以渾厚之養誠爲

國家老成才也持此才應試銓衡拜官佐政將如
良驥馳騁上襄何負

聖天子需才深意亦何負昔日所期哉由是貽錫封
章樹勲告成亦將有期君乞致林泉訂社盟於樂
泌堂中共泛霞觴享黃耆於未艾也奚今日稱賀
云

萬歷歲在戊申春王正月之吉

賜進士出身中憲大夫巡撫鳳陽等處都察院右僉

都御史前提督廣西學校叅生李 銚頓首拜撰

兄廷勳 一鑑 天祿 廷祿 弟天寄 日光

姪 球 大經 雲霄 釗 台 錠

銓 元嘉 承業 以彥 餘慶 應鳴

九思 應耀 正宗 應成 應昂 應許


繼雷 繼孝 光弟 姪孫 如卓 如伊

國英 如臯 思岷 國顯 思實 思虞

國芳 萬春 思泰 德隆

曾姪孫 懋巽 堯臣

同賀





○聖鄉翁傳畧

諱懋照字聖鄉德百七十三公五子其平日之爲人也立品不凡志操邁俗幼則入孝出悌長卽蹈義行仁爲家長則撫卑幼勤訓誨無小無大樂其光風霽月待隣里則周貧乏解紛爭自踈自親頌其厚澤深仁且富而好禮勞而能謙更莫及者壽彌高而七桂並茂業彌增而蘭茁盈庭積善餘慶信不誣矣况諸子中若思梅之才畧超羣好義樂善思桂之協理修譜勤勞最優衆孫中如晟豫章

比家詩 卷十
三
芹遊庠採名登黌序已先見一班矣異日秋鳴春
宴非公積厚流光哉公真莫及也已宏因知公之
深仁厚德故略爲之識

皆

康熙辛巳季秋穀旦

愚姪光宏頓首拜撰

○外翰錫卿公小傳

人生一世貽天之地精英儲山川之秀質直立於寰區之內似當卓然自命發憤有爲庶幾不虛此歲月然盱衡之下往往有未建一業未標一各任浮沉於宇宙不圖人世功與名以終老於田間者殊可嘆息惟我太公錫卿公之篤生也志氣卓犖學問宏深每以古人自期不肯趨於塵俗是以幼蹈黌宮長食天祿以明經擢選一抵京師入雍受職接丰範者咸服其善氣迎人都相爲薦引因得

比第詩 卷之四
設教都門爲吏部侍郎陳諱志綸公西席而名益
彰東翁欽其才能不欲小試以故勉留數年意蓋
圖其大就誰知天不壽以平格俾不得自展其中
藏以豎夫盛業一疾仙去扶櫬歸里生而志在四
方歿而骨埋故土遡其生平雖碩德懿行固不盡
於此然跡其大槩已有表表在人耳目間者至今
傳聞尙未有艾公元配王氏賦性端貞裊躬謹恪
治內秉儉勤之節訓子守清白之風與公黽勉同
心以成家道然則公誠人傑而內助亦無愧也歟

商不幸獲親接休光以沐其教澤猶幸忝在戚尾
時間其芳踪故敢不辭蕪陋聊道其萬一以垂簡
編爲不朽云

皆

康熙庚辰歲季夏穀旦

壺溪邑庠孫婿呂叶商頓首拜識



蓋知邑... 縣... 官... 署...

然... 縣... 署...

以... 署...

... 署...

... 署... 署... 署...

... 署... 署... 署...

邑廩生任卿公行傳

人之所貴者爲其秉天地之性爲萬物之靈盡聖賢之道以無愧於斯人而後已憶昔任卿公天性穎悟志趣不凡好讀書而忘嗜欲敦孝悌以睦人倫英年在庠屢試優等曾設教於麗川譽孚括郡繼時從游甚衆皆沐施教之有序相繼成立至今受業得益者追慕我公不衰其生平善狀類多不勝述大約持己甚嚴待人甚厚身與世相接務盡其所當爲絕其所不當爲學問淵博裕經濟大才

諸親友每嘖嘖稱道之間里有大興廢惟公裁奪
凡名教所闕賴公維持獨惜其夙志未售應鄉闈
數六不能一卸青衿慰蒼生望而居膳堂三十餘
年亦卓卓稱文壇獨步以故公雖歿而公之文章
道德蓋千載不磨焉商忝戚末分屬甥孫深識公
之生平因略叙其大槩有如此云

康熙庚辰歲季夏穀旦

壺溪邑庠甥孫呂叶商頓首拜識

○贈春卿丁君行傳

人之生斯世也必爲斯世所倚賴之人而後可聞
於當時傳於後世而世之所需則惟才身之所修
則惟德人而無才則在朝無以奏治平無德則在
家無以濟緩急則才與德之所係顧不重哉余蒞
任縉庠一日與諸生論文之暇有趙友有章譚及
才德兼優如今親春卿丁君者請余一言以彰厥
美余雖不佞與趙友嘗以課藝相往來復考其生
平善行最多而知丁君爲仁厚長者人也安可無


言按其先世已多顯達其治踵卓然流傳至今未
艾今君能繼承懿緒行誼卓越真所謂德居一尊
才過千人者也其居家也若無事事而所行無不
就理凡里黨有事無論大小咸望平焉君出片言
以分曲直則是非可否判然無枉而人莫不敬服
而退由是而俗尚和睦少凌競皆君之助也豈非
其才足以服人乎亦惟其德之所感者深耳使操
此而出以理紛錯安在不足以步其先達也耶然
其所尤著者孝友出於天性髫年喪厥考喪事盡

禮奉孀母色養備至撫幼弟式好怡怡有田荆竇
桂風而且輕財好義凡橋梁道路圯廢者無不樂
爲修建遇歉賑貸周急掩骸其隱德不可縷舉余
聞而重之慕之特書其槩以附華乘俾後之人知
所矜式也是乎書

書

康熙四十年歲次辛巳菊月上浣穀旦

五雲教諭項應穎頓首拜撰



蘇州府志卷之十七

書

蘇州府志

蘇州府志卷之十七

蘇州府志卷之十七

蘇州府志卷之十七

蘇州府志卷之十七

○仙都靜川丁親翁行傳

翁諱懋柏字春卿余猶子燦文之岳父也余家居
邑治東里雖相距不過一舍許以故世聯姻好若
朱陳然其先世有諱輝公任監察御史者避地居
縉乃翁之鼻祖也自宋迄今代有顯達族益繁衍
而翁之先大父諱朝祥父諱大隆皆有隱德而以
詩書啟後翁生而賦性孝友年十四喪厥考哀喪
如禮上事孀母百凡養志下撫幼弟友愛怡怡室
之家之樂且耽焉不幸仲弟先逝遺姪諱蛟四歲

視之如子長爲完姻昆仲二人弟少翁二十餘年
家務悉力任之而儉以濟勤厥後創基業拓田疇
饒裕自若其善居室有如此者分爨之日不自取
盈而以其美者讓弟人稱其有田氏風觀其平生
好義里人有雀角之爭者輒爲之排解勸息以杜
其訟端凡遇公事無不竭力向先持論侃侃陳其
利弊多爲人所敬服故鄉都推爲保長邑侯曹公
戴公重其行義咸以賓禮待之雖時遇之艱不得
志於詩書之途而表表才能亦足見重於士林矣


娶陳氏賢淑佐理家政生三子延名師課經術他
日可爲大成之器三女一適庠生楊奎光一適小
院燦文忝爲翁之半子泰山之恩頂戴不已茲值
其家纂修譜牒翁首倡成事釀金歛費不憚其勞
真能上承先志下啟後昆者也余亦緣是叨翁舊
愛知之頗悉敬將一言掄揚厥美以爲垂譽一鑒
云

告

康熙四十年歲次辛巳桂月望後三日

邑增廣生眷侍教弟趙

霖頓首拜撰



Faint vertical text columns, likely bleed-through or ghosting from the reverse side of the page.

○龍翁贊語

翁立心勤謹制行剛方養父母也以幹蠱稱和兄弟也以堦箴著處鄉黨親友也無僞無欺財輕義重又於宴坐間輒引詩書爲美談綽有大儒風度府尹聞而辟之由刀筆晉吏曹十屬要務出其手者居多翁秋毫無取但行方便二十餘載官民悅安無纖芥之失歷事孫劉李數公咸嘉其節各邑名宰赴郡謁翁者披襟道故歡若平生莫不愛敬而優禮之假令翁而置身通顯出入大廷其表廉

風世又當何如耶迨報滿言歸愈加謙慎梓里恃
爲柱石初不以家地驕人亦無吝意惟周急急爭
延師設館是急庭前五子媲美燕山長者早遊泮
水次亦童試有聲餘悉岐嶷識者許以大受之器
曾孫始觀場而知有造振振乎尚未有艾也且年
逾七秩步履若飛課讀勸農之暇與羣弟姪輩品
題今古講議不休將所云豈弟君子介爾景福者
非翁誰與歸歟

○泰二百廿九姬序公傳

天下由本以及末因源而溯流此一定不易之理
我篔川姬序公者邑庠生真老書厨也生平好施
舍造橋梁修道路播惠澤以周貧困鄉人賴之中
年後一子載麟已遊泮忽以疾亡孫二人俱殤數
載之間公竟熒然道路且爲之愀然曰何公所遇
之蹇一至此公於是時亦可謂窮且困矣揆以恆
情當無志於人間事豈知公固毅然不改其度公
年高分長嘗主祭其族大宗祠覘與祭者之衆輒

穆然深思曰吾先人能於邑治之前建此家廟規模宏敞棟宇森然可謂盛矣但吾族繁衍甲於縉邑每冬至祀始祖羣昭穆畢集輪值之房辦祭品以暨頒胙必費數十餘金始敷雖祠田租穀或給於供然而留餘者輒鮮吾懼其無以豫永久修輯祠宇之計也爰慨然自捐其肥田八百畝卽籍宗祠戶其租攸入每年可得田穀貳千觔以備修理宗祠之費是公之爲大宗祠計者至深且遠也後不數年邑東南洪水發乾隆庚申歲尤甚宗祠牆

壁大被傾壞賴公所捐田穀積貯之贏得以修輯
如舊更加整焉則公之裨益於宗祠者豈淺鮮哉
公誠可謂知所重而不忘其源本者矣幸公有賢
媳陳氏貞於節孝現經州縣申聞撫繼子大魁恩
勤不啻坼副且有畫荻之教竚看蜚聲黌序大魁
有子學寬甫生而頭角岐嶷則公之後嗣且振振
乎其未有艾矣本深則末茂源遠則流長豈誣也
哉公各房族長感公捐田之誼議於冬至另設一
筵於東祀公以配享其先祖公其可謂光前而裕

後矣今大魁從余遊矢志敦行讀書善屬文意不
忍沒乃祖之孝行余因忻然為之紀其始末云

皆

乾隆辛酉孟秋穀旦

歲進士眷甥朱珩頓首拜撰

○庠友我先丁翁行傳

我翁與余十年以長廼異姓兄弟也素叨辱愛無一事不對余言故知之最善翁係

勅封尚義公之嫡裔瀛洲公增廣生之冢子也生平篤於愛敬事親以孝聞喪盡其禮祭盡其誠至耄必躬親未嘗少倦翁之二叔三叔俱乏祠翁因弟天時憂無繼爲之承順立愛只愿綿其禋祀毫不貪其田產至今嘖嘖在人口其持己也方正不阿其接人也心口如一其待親友也義重財輕存沒

無二凡諸善行指不勝屈真所謂齒德俱尊推重
都邑者也翁春秋七十有七不受疾病之苦忽就
仙人之侶五福不可謂不備翁正配鄭氏姆儀如
敬姜徽音若文后內助不可謂不賢二子箕裘克
紹俱能世翁之業諸孫蘭茁其芽亭亭玉立具有
蛟騰鳳起之勢後昆不可謂不盛嗚呼若翁者真
宇宙完人哉易曰積善之家必有余慶良不誣矣
今冬丁宅重修宗譜忝屬知交略述實蹟載諸譜
牒並無一虛事一飾語以翁在天之靈必不陰譴


我以過褒之非卽現前伊宗族及親友諒亦以吾
言不爽謹此樸句庶使後之人得以想見其爲人
而知所興起焉爾

昔

乾隆歲次辛酉臘月上浣

廷試歲進士奉 部驗選儒學

窗弟施延功頓首拜撰



<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------	------------	------------	------------

泰岳白翁行傳

天無德弗眷人有美斯彰今於泰岳而益信矣岳
家尚仁厚徽柔表著於鄉都族傳敬恭禮讓堪型
於人士詒謀之善有自來矣迨篤生泰岳和平其
心溫恭其度舉似其行庶幾式金而式玉髣髴其
品不啻如圭而如璋其待人也
不矜己亦不徇物
寬平中復饒梗槩其取予也不失節亦不沽名廉
惠內悉準道義至於遠養潛修文章一歸於爾雅
窮幽抉奧語意一本於真醇斯誠詞林正宗理學

嫡派揆厥才行何難羽儀聖世鼓吹休明哉乃以
兄弟卒鮮依依太翁膝下盡孝養事不圖進取遂
以泮水老人且惜之而不知嶽固樂以天者也所
尤幸者嶽母陳氏壺範克敦母儀足式賢能貞淑
與岳比德故終其身相敬如賓而岳之型于亦大
可見矣迄今尊舅凡三伯也蜚聲黌序仲也藝圃
書林季也勵志螢窗俱謹飭自持有岳風格將來
克大門閭俱岳式穀之善有以貽之也乃壽躋古
稀有奇遽爾駕鶴而岳之前紹令緒後開燕翼而

聞望所垂固嘖嘖人口相與稱道弗衰者也而天
眷岳寧有旣哉鑑也叨居半子因記其行實以附
於乘云

乾隆六年歲次辛酉八月穀旦
子壻朱融鑑頓首百拜謹撰

附前爲生童自敘

余生六歲慈母見背幸有祖母撫養成立惟賴吾
父教我詩書欲成吾名此誠義方之訓也無如時

運不齊命途多舛師旅交加饑饉屢臻以至室家
蕭條儼如懸磬無奈如何幸有期功強近之親衾
裘與共同氣相求之友財物相通又幸托契於朱
陳不啻椿萱之眷顧迄今頗成小技竊望採芹試
思父之愛我也既無膏腴之田又乏不毛之地止
望於此以成慈我之報父也既無衾裘可奉又乏
甘旨可供止藉於是以盡孝至今經歷數科未得
寸進一則不能爲父全其慈二則不能爲口盡其
孝諸恩所及愧乏以報性情相孚更無以慰欲別

業而他圖前功盡廢欲仍守而勿已家不隨心願
蒼天而無及氣噎悒而填胸不得不俯仰唏噓形
諸慨歎也故揖筆而書之竭其鄙誠以疏短引願
與知我者聞

恭奉

壽翁丁老年長兄贊

公爲人品行端方氣量卓越孝心純篤不異蓼莪
之章友愛肫誠可賡棠棣之頌弱冠蜚聲鬢序山
斗望隆耄年寄跡市廛功名志冷接人霽月光風

立身泰山喬嶽不屈不阿行事如青天白日至公
至正處心似尺度權衡衾影無慚然諾不苟義方
垂教文章國士之英先訓是程禮樂休風之舊子
孫振振繩繩德之盛者福自大長幼雍雍穆穆身
之修者家乃齊自是不顯丕承家聲於以克振宜
其寢昌寢熾後裔其未艾云

昔

乾隆五年歲次庚申菊月穀旦

年眷世誼弟陳琮頓首拜撰

南山翁七旬自述

余上一姊適訓導朱諱家駒下四弟二弟郡庠餘
俱業儒邈余生時嚴君年已三旬慈母少一歲余
年三十有七先君已棄余四十五十猶幸白髮慈
母在堂至五十有五痛母亦逝今方七十雖有我
生不如生我聊述王有德先生七旬初度詩以誌
感云 誰云七十古稀期萊子當年猶是兒律轉
一陽逢壽日斑衣失卻奉親時 又詩 鳩
鳩峰南聳接星華光照梅亭處士家架有詩書綿

祖澤慶餘蘭桂發新葩履長競獻崗陵賦協矩欣
占景福遐國瑞由來推耆德佇看紫綽映丹霞

長潭盧 松賀

葭管灰初發竹宮日始長告虔先泰時戒旦下明
光徑轉龍媒合風清雉尾張月華團翠柏日氣隱
扶桑鷺序羅金扈犧尊灌玉漿無聲六變合有道
百靈將端拱瞻王度神光燭帝閭萬年新甲子從
古屬初陽

澤磯施 南賀

岳父文裔翁行實

字文裔邑庠生也生平好學問善記誦

每屬文思沉而銳冲幼時卽爲師友所奇甫冠遊
邑庠業修行飭學益邃蔚爲善士跡其文行雖科
第可唾手取耳然以兄弟終鮮志顓其旨因不事
進取抱才不試鄉人惜之尤溫雅愷悌持重寡言
厚以接物不揚人短不炫已長和宗族睦鄰里遇
長幼慈愛均一無纖介嫌隙以故得遂養高志終
身屏跡公庭且雅重守義世席豐厚每恥爲俗子

富務周旋宗親有以窘告濟之無難色岳之怡養
林泉重綱常輕勢利矜名節岳其古人歟竟無解
於數之奇既不俾岳以壽復靳以嗣僅三旬有四
而逝幸淑配岳母陳氏秉性貞靜懿德堪誇善成
岳志奉太翁惟謹以年耄不煩家事悉自經營甚
有方媳供子職無間言數年病涕泣視藥不衰及
終執喪如禮無缺略越數年卜吉兆以葬費百金
學師楊公聞之額以節孝流芳旌其門岳母之貞
淑誠莫京矣乃復爲岳擇繼嗣立舅氏諱大魁姿

俊邁材拔俗慷慨居衷芸窻勵志鄉黨間擘匕有
聲僉謂有岳風格將來騰達未可量是岳之前若
後均有賴於岳母也報劬勞善式穀岳之神靈亦
洩匕然含笑於九泉矣含叨半子習熟見聞故登
其實者以附載於乘

皆

龍飛乾隆六年歲次辛酉秋月之吉

子壻庠生朱 含頓首百拜撰



Faint vertical text columns, likely bleed-through from the reverse side of the page. The text is mostly illegible due to fading and ghosting.

爾余公安人胡氏傳

從來爲婦之道非賢而節者不足以聲稱當時流傳後世若爾余公之安人胡氏者可謂無忝焉方年十六而于歸勤紡織善治家以奉姑嫜則問寢之不違以待夫君則內助之克循鄉黨閭里間皆以賢稱洵不誣也正宜同心偕老齊眉皓首詎天道難知年方三旬有奇而夫君仙遊於斯時也上無舅姑代理無人下遺三子俱未成立零丁孤苦寂寞淒涼莫此爲甚而安人孀居守節矢志靡他

無異栢舟之自誓焉乃益淬勵其精力勤身苦體
撫養三子俱至成立各爲婚娶而且創業垂膏腴
廣置開基拓土堂構聿新迄今子孫衆多後先濟
美皆安人賢節之所致也長男諱日輪才能邁衆
志氣超羣克光前列丕振家聲次男諱日觀勤儉
操家務農力穡不事浮華足以啟後三男諱日聖
儉以養身不爲伎求恭以待人無事諂瀆其餘諸
孫輩濟濟繞膝綿綿瓜瓞難以悉數安人至此得
以忘憂而永享福祿於靡窮矣奈何於己未之春

享年六旬有四而竟忽然長逝也豈天道惡盈而
促其壽耶抑以遐齡錫諸後嗣耶綸係嫡姪親炙
有素因續修宗譜例有傳續略書數語於簡端以
俟採風者之旌表云爾

峇

乾隆五年歲在庚申仲冬既望之吉

邑增廣生姪胡 綸頓首拜撰



昔... 賦... 賦...

彈對正平... 賦...

昔

對... 賦...

... 賦...

... 賦...

... 賦...

○親母丁門陳氏安人節孝傳

天之與人也恆嗇多而豐靳固知富貴福澤厚吾
之生貧賤憂戚玉汝於成不惟以勵閨闈也乃鬚
眉之漢當夫險阻艱難周旋罔墜不及婦人者正
多故古來賢節之婦往往稱奇如親母丁門陳安
人者其一也邈所自出爲兆岸陳氏之娃秀配爲
丁門庠士諱遴之佳人賢淑性生貞訓有素結褵
之時年方二八允宜家人所云冀缺之妻敬梁鴻
之偶壯殆不相過第和鳴不永年二十九而寡上

有孀姑下遺二子尤慘儻石無存家徒壁立安人
遂矢曹女心誓共姜志焉且盡孝如盧氏安貧若
董娥持家政則古健婦堪方勵熊丸則柳少君可
比午夜一燈恍擬敬姜之勤織嘉蔬斗酒無殊陶
母之畱賓至奉高堂終以喪葬撫孤子以配婚姻
皆安人之力也迨乎玉樹怡怡蘭英茁茁尤有鄒
母之善導馬后之含飴也由此觀之蓋前二十載
之光陰柔貞已植而後三十二年之閱歷勁操愈
堅其爲寡也如是不誠節冠閨闈而賢跨鬢眉也

哉今

皇上隆特典於閨闈表揚勁節微安人其誰與歸

皆

乾隆辛酉孟秋之吉

眷姪太學生虞 銓頓首拜撰



著致太學主氣益助首我對聖
薄對辛酉孟焯之吉

皇土對神典然圍國旁對後繪焯矣人共錯與制

結令

乘尚義公傳 完九十六

元者善之長好仁者無以尚茲曰尚義何以稱焉
蓋我一十七世太祖諱繼文字朝獻生嘉靖十三
年家富多積穀陳相因值隆慶四年歲歉民饑我
公慨然奉公一捐穀章公王公繼丞趙公

恩例發粟賑濟計口授食縉之遠近老幼多賴以保
全性命如此者不惟縉邑卽永仙隣邑亦時擁門
仰給待公舉火五日後倉廩空虛公子諱大用又
發自己私藏輔濟三日以勸歛美詎又不足公卽

將田產典賣變成銀兩分給眾人令其各處買粟
而家財幾傾並無悔言亦無德色縣主
來公加

其能謹以事聞于

聖上至萬歷四年着賜進士掌本府通判
顧公全

縣主來公 師鐸章公 王公 縣丞張公

典史鄧公旌公之冠帶曰義官表公之門曰尚

義嗟乎二公以後我輩生齒雖繁誰如公之好善
樂施者倘一旦門圯美意遂無存矣茲特誌諸家

乘以盛傳于後

乾隆四十年歲次乙未南呂月穀旦

六與七世孫

盛通

純銀

吳魁

乾坤

敬序



Vertical columns of text, mostly illegible due to fading and bleed-through from the reverse side of the page.

○由寬川徙居金梅亭叙

附祠

南丁

文

邑庠生曾祺公華之祖卽居金梅亭之始祖也生
寬川幼時曾祖授之書聰慧甚太外祖梅亭
李翁大加欣賞收於門墻且妻以女而贅之後入
黌宮生五子孫數十遂舍祖處而家於斯至於
今男婦有二百餘丁矣遐想當時我祖性嗜
古而不暇治生家計尚窘仰事俯畜恃祖妣
李氏之力居多享年六旬而逝我祖以故深
傷之作悼亡詞謹錄之以俾後之人知所感焉

其詞曰

嗚呼妻其棄我而逝耶其信然也抑非其真耶猶未足爲信耶憶甲戌之春余承先君之命媒妁之言就贅岳父母家也我妻則相敬如賓直領母儀之訓者也未幾三載吾岳仙遊喪祭無主七日乃殯我妻哀棠棣之零落苦白雁而孤飛水漿不入旣殯方粥傷心之痛未有若斯之至切者也岳旣失怙母幸猶在遭歲屢荒予從未請家事柴米鮮充淡薄自甘反寬予心從無片言之交謫丁亥之

秋聞先君病篤終夜徬徨遂至窶以奉湯藥先君
嘔嘔稱道不衰乙未春臨岳母感病予又爲貧外
游妻抱月餘之幼女理病母之茶湯旬餘未嘗就
寢艱苦備嘗不辭况瘁至母易簀身棺殯殮必誠
必敬曲盡子道嗣後長次兩男前後婚娶余囊屢
空我妻贊勸策處倍越尋常壬寅十月吾母八旬
妻商予曰我之娶媳我已爲姑我姑八旬路隔廿
里縱有二三四之叔嬪我衷歉然而難安直置長
次男有媳者於梅亭親挈三四五男及幼女於窶

川侍奉慈姑予母感其孝養儼若母女之相依豈
僅姑媳之盡禮服勞四載吾母言歸帝鄉泣血三
年親扶安厝及歸涕泣而告予曰公姑已得美地
吾父三世未入淺土吾欲歸寧汝意若何予曰我
與汝父分屬翁婿誼兼師弟敢一日忘耶矧昔以
吾母來今曷不以汝祖父去乎戊申正月返於梅
亭蓋欲葬祖及父母也越至庚戌三男婚娶辛亥
春季病已纏身及聞三男入泮在牀賀予曰書香
得紹我亦無憾至十一月初十病將危迨涕零沾

襟將言嘯嘯少間曰我命休矣幸生男五女一娶
媳三孫又得七雖兩男未娶幼女未許目前境遇
可以無憂但罔極深恩未報虛度一生死不灰心
汝率兒輩竭力安厝我三世我在九泉啣恩無旣
矣言訖瞑目嗟嗟我妻之淑德宜乎壽臻期頤目
覩曾元胡天不弔六旬已幾偏斬六日哀哀拙夫
才疎學淺生不及致我妻之安樂識陋寡聞死不
能闡徽音於萬一聊述行狀言有盡而意無窮我
妻其無知也耶抑有知也耶嗚呼哀哉 雍正九

年十一月初十日

皆

道光十有八年歲次戊戌桂月

孫德華頓首拜錄



夫言清期日製製拜妻之賦餘宜平壽壽膜膜日
將率其輩數代安凱其三其其亦其泉御恩無禮
可以無憂其罔逆料恩未時亂其一一其孤不刃心
獻三將又辨其難兩畏未娶收女未指日而歸
蘇洪言和謝少問曰其命林矣幸其畏正女一

○丁母田安人傳

田安人者臚臚至喜公女也年二十三嬪于丁爲
纘生公配家頗給先意承順以奉姑姑喜曰賴此
可爲晚景娛也丁氏先世世居縣後至公贅居邑
東之烏衝杜氏家厥後子起騶復遷水口之小炭
公旣家烏衝迎父母以就養焉居數歲舉一子起
龍甫逾冠而杜卽世乃繼田安人纘生公爲人讀
書究性理爲縣學生生平絕嗜慾明大義從心應
事了無滯礙人多賢之以累世業儒不視家人產

家因中落安人拮据操作以佐不逮時勉子崑志
攻學諄匕母隕乃結褸甫五載而公遂以疾卒時
安人二十有七也遺一女一子名起騶生未三日
安人撫膺大慟幾絕欲以身殉有勸之者曰縱捐
軀從義其如老姑乳兒何安人良久首肯於是飲
荼茹蘗操守五十年如一日養耆姑以終天年長
子名列膠序以繼先志及已出子女既長爲擇婚
嫁皆安人之力也子起騶字德虞爲人一肖乃父
行事母色養兼至且好學能文不爲功名計善治

生家日隆起騶生三子三孫而長孫家耀性穎異
十歲兒已誦習經史矣將成大器皆安人所目覩
者也享年七十有六無疾而終德處與余善恐母
苦節久而湮也持狀屬爲傳謹次其實如左以俟
他日輜軒徵採云

論曰昔曹令女有言仁者不以盛衰改節義者
不以存亡易心今觀田安人之節操何媿美于
古也當纘生公遐升時家且不腆上有垂白之
姑下撫乳哺子女以教以養百計萃于一身其

擔當負荷不至難乎且女嫁應有年未幾而寡
 安人恐有變志挈聚一家至外孫成立令歸曰
 是可無他慮矣難矣哉安人之貞操凜凜俾亦
 觀感成善為垂白之完人以視世之士夫自謂
 守道君子苟遇患難欲持不移如田安人者能
 苦乎否耶野史耕水風餘翰韻六其實收立以射
 昔也昔甲子十有六無幾而終歸與余善惡毋
 乾隆二十七年歲次壬午菊月之吉安人死日

年姪世庠生呂載駟頓首百拜撰吳

○外祖母田安人傳


外祖母者臚臚田姓至喜公之所自出也與外祖
結縈未及五載而外祖卽世是時外祖母年僅二
十有七生科母三歲舅氏諱起騶甫八旬乃遂栢
舟勵節勤儉操家以迄男婚女嫁悉出己力其零
丁孤苦不可殫述厥後更遭科家不造先君以年
二十三而卒生姊及科科時年方一週姊亦纔四
齡耳外祖母不恤己力憐科母子三人孤寡失恃
遂皆延至己家自爲撫養直至科十四歲始回本

處前後共十三年其恩勤鞠育不知幾何誠有如
詩所云欲報之德昊天罔極者矣竊念外祖母自
于歸後不數載而喪所天又不數載而失半子何
運之乖也幸天眷其德一生康寧沒時壽屆七旬
有六舅氏亦事母盡孝凡親志所在無不順從適
意舉丈夫子三長諱士瑚次士璉三士瑜現今長
子已有三孫皆頭角崢嶸亭亭可表而長孫名家
耀者今年甫十歲尤爲聰明穎異出衆超羣固已
知爲光宗耀祖器也大抵天之於人嗇於前者未

有不豐於後如吾外祖母者前途雖遭偃蹇嗣後
孫枝鵲躍紫誥聯翩可計日而有待者因不辭固
陋略作數誥以爲將來之驗云至婦德之克嫻冰
霜之清操鄉隣戚屬無不共喻應有大手筆者以
書之科無容贅

書

皇清乾隆二十七年歲次壬午肇秋月上弦穀旦
邑庠生甥應獻科頓首拜撰



皇朝書院
善文博雅容贊
露文帝特凝觀
兩制并建
孫斌謝劉
本不豐

○叔祖立祀識

叔祖諱銑字二先與祖同胞兄弟也原生叔諱夢
龍叔生兄諱髻年不幸俱遭先逝叔祖與叔祖母
祇抱痛悲哀遂無志嗣續叔祖享年而終六十有
九叔祖母後九年而終七十有三所有田地產業
坐食幾盡止餘田土名湯湖二百五十把凡叔祖
與叔祖母殯殮并祭均余父竭力辦理其田終守
不廢莫非後來欲爲立祀之意余念血食攸關將
欲各房紹祀無奈產業無多抑欲自家繼枝又苦

丁單莫屬幸本宗原有異姓立祀之例余曾約得
張聖榮次子秋德爲義男撫養長大以備薪水因
思叔祖一派不忍空懸今適續修譜牒與親房商
議將秋德繼入兄髻年脚下則血食可以不墜于
理未爲不合于心亦庶稍安至叔祖所遺二百五
十把之田與秋德掌管又將自己田一百廿把新
買房屋一間亦與秋德作爲酬勞之資又捐土名
墟塘才口田五十把永爲叔祖祭掃之需但每年
除完糧外餘租辦祭務須享祀豐潔毋得簡嗇了

事更要與余之子孫虔誠面祭共食餽餘嗣後惟
願克勤克儉續承勿替寢昌寢熾蕃衍無窮庶先
人意志孔安百年禋祀悠長不得好食懶做至耗
廢產業如有此情作不孝論余之所兢兢於是者
一欲不侮慢叔祖在天之靈爽一欲不拂違祖父
共本之深情也故謹爲識

告

乾隆二十七年歲次壬午仲秋月望日

姪孫鶴年頓首百拜謹識



Faint vertical columns of text, likely bleed-through from the reverse side of the page. The characters are mostly illegible due to fading and ghosting.

○泰三百六十四永馨公行傳

母舅諱望桂字永馨公者廼外伯祖縉川翁之冢
子公之先世載之邑乘詳之家牒固無俟贅言也
而公之懿行正不可不傳爲公後者訓公賦質純
厚秉資穎異識見高明志趣超曠早掇芹香屢試
前列統理家政無一事或拂二人意致勞羣弟心
一家之中高堂藹然兄弟怡然長幼秩然雍雍乎
常著太和氣象雖曰孝友克敦分內之事然而克
盡如公者蓋百不得一也至於鄉閭之間平心率

物不恃才而傲不畏勢而屈嶽嶽懷方介然不苟
舉凡非分之事則如蹈深淵履虎尾以故終身纖
無瑕焉配舅母舒氏德性柔順壺範素嫻孝事舅
姑敬相夫子禮接諸叔慈愛子女待賓客無殊陶
母勤績絳堪擬敬姜誠巾幗中之罕及者生三子
七孫皆英才鵲起而長子諱高沈靜謹密處事周
詳幼卽好學名列庠序繼公志而振家聲者且繩
繩未艾豈非母舅燕翼貽謀所及哉唐愧樗才謹

述數言以伸景慕云

皆

乾隆二十七年歲次壬午秋月之吉

甥色庠生虞紹唐頓首拜撰





漢劉二十以半歲於壬午然月之吉
詳勿用好學命列賜也事也事也事也事也

上卷皆以也


○萬山君行實

君姓丁氏諱科字永漢號萬山兄弟七人君居其少甫八齡父捐館母氏垂白膝下承歡稍長卽能豎立知讀書樂就傳入領母儀出佩師訓惟冀成名以顯父母初不計及于室家也至奉諸兄輩友恭尤篤迨終母養哀毀骨立而年際三十始贅郁郎中女以爲室郎中夫婦立有崖岸頗難與處君善爲承順事之不啻若父母者然所以同居二十餘載卒無牴牾及沒厚喪葬并若其父製主以祀


修禴祭無異祀乎其先蓋生平之不忘恩負義者
大抵類是淑配郁氏好合諧老勤織紡修中饋內
助稱賢迨產子男三皆見岐嶷孫男二方來未艾
且君學問文章本泮池中物乃文昌失陷竟不獲
售因艱于家計托跡公門資以食力亦無書役俗
累後以吏員榮身然其作文試事至老不少渝及
長嗣諱嗣熺教以義方弱冠遊庠而夙志始畢或
者天靳其功名不于其身于其後也尤善居室治
生產而堂構聿新俾後人之克振箕裘而恢其世

業以享于無窮也愚稔知其素爰畧節其行以紀
其實焉

西園應維翰謹述



字德虞諱起嗣考外祖繼生公之次子也祖為田
氏產翁三月外祖祖前避祖此與大勢諱無涉自
名德虞於族本續舅與舅姆任氏服父不事孝道
無虧正氣嘗大克有家然不嘗惟是父能與事
常取與之德虞上黨莫不相賢且舅之嗣三索皆
之矣



其若學問文章本泮池中物乃文昌矣隔竟不校
售因艱于家計托跡公門食以食力亦無責役俗
累按以吏員榮身然其作文試舉至老不少渝及
長嗣諱嗣燧教以義方弱冠西園獻繖錦藟或
其實焉其功各不于其身事其後世尤著其治
業以享于無疆也愚然味其素履皆曾其所以

重刊耕山公傳贊

卷四百四十

從來爲善獲報之說主之自天有可知有不可知而不可知者究無不可知也如濟陽郡丁老母舅字德虞諱起騶者外祖纘生公之次子也祖妣田氏產舅三月外祖仙遊祖妣與大舅諱德施自行各爨孀姑撫養續舅與舅姆汪氏服勞奉事孝道無虧丕承基業大克有家然不寧惟是又能與士信取與廉親朋里黨莫不稱賢且舅之嗣三索皆男長表弟士瑚次士璉三士瑜則嗣纘多人積德

之報似有可知者乃勵志芸窻屢試莫售竟以高
才而終不遇何數之奇也天之報德又似不可知
矣迨舅微疾不染一朝而別甥與弟輩曾不得聆
誥誠之說雖至今日猶未能釋然矣幸舅長孫家
耀年方十五卽已克繼厥志早遊泮宮况又衆孫
繩繩發祥未艾皆舅型家積德之所致也此不可
知而可知者也余向有疑於天人之故今以舅觀
之始信天之報施善人自有其不爽者茲因盛族
重修家乘不揣固陋而爲之傳

贊曰

雲山蒼蒼

江水泱泱

靈鍾秀毓

維翁之村

秉資穎異

品行高騫

公平正直

古道是敦

善承善創

垂裕後昆

孫枝鵲躍

衍擬椒蕃

敬師重友

排難解紛

鄉隣戚屬

遠近咸尊

維天眷佑

欲篤之恩

故遲其報

以培其根

方來福祉

勢若河奔


皇封紫誥

崱看源源

昔

皇清乾隆四十年歲次乙未夷則月中浣穀旦

皇朝詩林卷十一 甥邑庠生應獻科頓首百拜撰



Text in vertical columns, mostly illegible due to fading. Visible characters include: 甥, 邑, 庠, 生, 應, 獻, 科, 頓, 首, 百, 拜, 撰. Other faint characters are scattered across the columns.

○啟盛公行狀

通六十五

古云畢萬之後必大賢者之後必昌今觀啟盛太公字爾昌號裕軒者其信然歟生平居家勤儉力穡義方垂訓無事求富不尚浮華時人咸方之爲子荆其果有異同否夫古人芳徽雖難媿美要公之爲人行仁蹈義克孝能慈具有爲人宗祖爲人孫子之實惜乎時遇之艱不得志於功名而表表懿行誠足爲鄉閭所稱述矣安人胡氏佐理家政和于妯娌睦及親隣姆儀亦多覲焉享年俱五十

餘仙遊合厝于藕塘長蛇山之原賢嗣有三長猷
 壽公創基業拓田疇年登八袞齒德見稱于世次
 獻文公三獻廷公超羣拔俗子也第天不假其年
 二公先辭伯而逝厥配金梅兩安人矢心守孀共
 誓姜志蘭孫有六高止高序高鼎高樑高棟高柱
 諸公皆有纘承之才操家立業克繩祖武曾孫舅
 氏兆宣兆坦志滿繼賢等均見頭角崢嶸狀貌奇
 偉已有騰蛟起鳳之勢惟高序公蒙邑侯孫公擢
 歸吏職適後雖有中距之遭而理常伸於已秉性

乾剛志氣不凡亦一方之英傑也高正公乃賢所

沐恩岳丈一生謹言慎行不識長吏廷享年五十

有三岳母田氏婦道克彰非儀交泯惜其未嗣而

卒續娶岳母黃氏守志到今冰清玉潔而人莫之

侮嗚呼一門之內死者皆以壽終生者各有榮志

振振繩繩雍雍穆穆將盛德之所致歟抑地靈而

人傑歟賢牛也晚啟盛公之光儀未獲親炙似莫

得而誦述也第幸共居鄉邑讌譙之餘尙有聲稱

嘖嘖道及公之素行者是以自忘固陋畧序以付

諸梓云

昔

乾隆四十年歲次乙未桂月穀旦

齋孫壻邑庠生陳士賢盥手敬書


...

...

...

...


...



○南山翁行述

公諱曾祺字壽維號南山家世業儒生平慎取與
重然諾孝友備至撫恤孤幼名列膠庠志在典籍
無適無莫長厚表仁人之度至正至公和平昭吉
士之型律己有方一若融融麗日接物無忤恍同
藹比春風訓誨子孫勤耕勤讀壽踰古稀慶觴一
堂子孫振振繩繩德之盛者福自大長幼雍雍肅
肅身之修者家自齊自是不顯丕承家聲於以克
振宜其寢昌寢熾後裔止未有艾公乃昌之外兄

仰止懿行已久因重修華乘敢忘鄙陋頌公之德
以垂不朽云



乾隆二十七年歲次壬午應鍾月穀旦古無題識一

士之堅碧川總服弟邑庠生虞繼昌頓首拜撰同

無齋無莫身卑妻寸人之妻至五至公味平部吉

重然請奉式前至無血所必冷候觀率志亦與餘

公籍會斯字篇錄南山家世業歸土平對取與

○南山錄下

○岳父維簡翁行略

○岳翁諱斐維簡其字也係先太翁泰一百八十九

公之幼子生而困苦早決意於耕桑長益艱辛且盡歡於菽水方期綵服而嬉萊子詎意素冠以見棘人樹不停風杖難追日年甫成立太翁逝矣維時公也冰漿併絕血淚全枯畱苦由之餘生理殞葬之大事是太翁方終之憾正我公無盡之悲也顧敝廬焉奚在瞻負郭矣猶存公則力田而食構屋以居又復持躬仁厚處世寬和榮辱可以相忘


爭競歸於何有且深知世味熟察人情倘遇踰禮
之事非義之財信滅耳之多凶卽掉頭而遠去第
顧瞻門內已多墮篋之奏還念庭闈苦乏琴瑟之
和迨至有室之期始娶岳母蘇氏以貞以順亦儉
亦勤行則執以懿筐坐則急而機絞漸而累寸成
尺積少爲多俯仰幸而無慮冠婚聊且有資真所
謂婦德無虧壺範足式者矣乃翁花甲已週孝養
有人似可息肩而翁則勤勤猶昔也耕山釣水無
問雨濕風寒戴月見星那知神勞力憊以翁之矍

鑠理宜長生胡天不佑己巳夏月行野而回忽然
疾發伏枕半日終於正寢嗚呼痛哉翁卒逾年母
疾仙逝抑又悲矣今舅喬遷城內幸而夢熊卜鳳
寢昌寢熾慶未有艾意者翁之澤遠如水之有源
無所往而不流隨處自應發祥歟哲也愧述德之
未能欲獻諛而豈敢第分叨半子親炙多而知之
悉故不自揣聊以紀翁之始末云爾

昔

乾隆壬午孟秋

邑廩生子壻田秉哲頓首拜撰



... 悉勉不自... 朱論... 無... 變... 寒... 寒... 給...

○端峯翁行狀

通二百八十一

太外祖諱振官字爾顯號端峯乃泰三百六公之次子也迹其生平敦樸素崇節儉寄跡畎畝務本成家恕以待人間黨共樂公忠之德嚴以律己里閭羣羨端莊之儀而且貿易無佔便宜應接不附聲勢救苦周困樂善好施孰非其忠厚慈仁之心所流露哉宜乎天降之以福復增之以壽而山海儼然其有比也故今年值杖國眼觀四代肖子肖孫承歡膝下已見濟濟于一堂寢熾寢昌克紹厥家

可卜綿綿於萬世夫孫男之與祖父爭光固不待
言而令淑女之適李曰康尤可錄者康其才能較
著者也康之女郎令甥女文不揣寒微敢攀以爲
長男王藩配茲值望族譜牒纂脩深慕中外太祖
之福壽無疆而行誼可嘉遂不量固鄙聊發一言
以狀其積德昌後也云爾

龍飛乾隆四十年歲次乙未孟冬月中澣之吉
郡庠眷晚侍教生鄭師文仝男王藩頓首拜撰

○邑庠東山公事略

八姓丁氏諱若杲字煊如別號東山自高大父諱

萬春由在城喬居寬川之上子姓遂由此發祥焉

曾大父諱振嶷大父諱光貞厥考諱錦林邑西端

人卓然鄉邦譽望四世俱詩禮傳家聲振庠序其

十一世祖尚義公富甲一邑與余獨松公輸粟大

廷受

旌表於

皇明若有宋按察輝公始遷貞溪則其鼻祖也公

生而岸然自異能言後英穎俊發知讀書從塾師
每驚賞之及冠試文宗卽遊泮水歷考生平坦易
恬靜不樂紛華敦樸茂勿立城府機械誠愛出自
底裏奉二人多承顏順志御兄弟輩友愛尤篤至
交友勿徇亦勿濫悉攄悃竭真蓋有久要而不忘
者其治家事率以勤儉先規爲措注適協時宜雖
承襲富厚亦復起舊恢新故業不務廣而恆產有
加屋不矜華而堂構式廓若其取與間竟有非義
而一介不苟焉且延名師以課子孫慈而能嚴故

冢嗣諱學成弱冠卽登郡庠歷試超第隨補天祿
行將列仕版而振家聲次男諱學夔入幼學攻詩
書迥與羣兒別三男庶出方幼未成孫男三曰作
鏞曰世銘曰世鎔具森森玉立綽有乃祖乃父風
至曾孫男名志洪方昌方熾蓋駸駸其未有艾焉
則後允之振公箕裘恢公世業以綿公福澤於無
窮者余又烏乎知之哉翰叨雅愛夙仰爲老成典
型適際家乘告竣謹次所知俾採風者識所攷焉
云爾

書

龍飛乾隆二十七年歲官壬午中秋既望令旦

通家眷晚弟歲恩鄉舉西園應維翰敬頓



Faint bleed-through text from the reverse side of the page, including characters like '通家眷晚弟歲恩鄉舉西園應維翰敬頓' and other less legible text.

○丁姓焜如公行傳

公諱若昊字焜如別號大成尙義叔顯公之嫡裔
庠生我先公之次子也生平好清淨尙拘方節儉
治家取與嚴於一介幼嘗事詩書欲振箕裘乃數
奇屢試弗獲售竟以儒士終厥考稱一鄉善士母
鄭氏公承顏順志獨得其歡心奉伯兄娘如公一
以弟道自盡而卒無牴牾原配樊氏姆儀克敦壺
範足式續娶徐氏柔順婉婉黽勉同心蓋皆稱賢
焉若夫處友朋之際敦信義尙樸誠公平生最知

己者趙居一君及族中子延君披慤言歡始終相
善其明徵矣施及姻戚鄰里及臧獲下人咸曲有
恩意焉至其欲教子以遂己之初心訓誨惟勤擇
師就傅公卒後二子亦嘗從學於余克體乃父心
攻弦誦習舉子業長諱國泰以早膺家事棄文而
戰勝武闡次諱學修弱冠蜚聲黌序屢試上第將
補天祿惜檄遲而截期至矣皆公之善教子而厥
報不爽也矧孫世勲世南皆文理成就可預卜遊
庠壽多具森森玉立而頭角崢嶸其採芹香而探

桂籍食善良之報於不朽者正未有艾也愚稔知其行狀茲因重修竣事乃自忘鄙陋敢斬管而爲公傳

昔

乾隆四十年歲在旃逢協洽菊月望前一日穀旦
通家眷弟歲恩鄉舉西園應維翰拜撰



Vertical columns of text, likely bleed-through from the reverse side of the page. The characters are faint and difficult to decipher, but appear to be in regular script.

○贈城庵君行略

右族丁氏有自號城庵者余同學良友也計其年
長余一紀先五載而遊庠後二載而補廩予考客
冬恩選君應今年次貢論功名則不相上下焉予
家環堵蕭然舌耕爲事君頗享素封亦嘗教學遇
則分豐嗇矣至閱生平幼事詩書長攻舉子業樸
茂醇謹寡言笑鮮所交逝性嗜酒親舊至則式宴
以樂視彼耽麴蘖而荒沈者大有逕庭處宗族中
尙志寂守不妄干人事君可謂處濁而不污超然

于禁俗表哉然其種德於心田鋤經於藝苑乃子
晉和繼志學將有成童孫崑江方熾未艾諒有以
承燕貽而宏世澤者其他余不及知余亦不得而
溢美也顧茲花甲閱四鬚眉皓白禮重引年鄉黨
尙齒在家史例宜垂載矧予誼屬良友姑次行畧
以俟後日之諭定云

昔

乾隆二十七年桂月下浣之吉京同學夏文也指其平
同學眷弟西園應維翰偶撰於漱芳書舍

贈延翁

尊堂施氏序

從來婦道之盡中饋固難而義方垂訓更難且貞
靜自矢尤難也若吾友諱鶴年字子延其母施氏
竊有深慕焉猶憶月當建子壽值古稀衆賓咸集
來相祝慶不啻輝映一堂焉少頃高朋滿座嘉肴
雜陳悉友施母所指設可不謂之中饋克修者乎
况吾友年未弱冠遂已失怙全賴施母延師敬業
以致少大翼宮且食天祿屢赴棘闈登雲雖曰未

遂竚看明經造士已將授符豈非深幸義方垂訓
 者乎且施母出自吾族係宅基繡衣嫡裔庠生芳
 流故兄之長女素稱淑媛更秉賢德無如中途失
 偶不得永諧伉儷乃志節彌堅而清操益勁初不
 減乎栢舟亦無殊乎金石又豈非貞靜自矢者乎
 而且克勤克儉雖休弗休大厦手成田園增置既
 優內助復善貽謀宜乎純嘏爾常獲登止壽錫爾
 多福踵生象賢行看蘭堦集秀松夢呈祥寧有艾
 哉今因盛族重修家乘又與吾友誼訂金蘭施母

婦道知之甚悉故謹爲誌并爲頌曰婦道堪型兮
母儀足式三從不失兮四德彌彰無有非兮事舅
姑純孝無有儀兮處妯娌善良相夫成家兮甘苦
備嘗課子讀書兮芳聲孔長以母之賢綴母之行
堪頌頌於孟母豈讓美於敬姜

○附贈延翁六秩榮壽七言律詩

昔年同學幾何春不覺韶光已六旬學足三餘推
國士德臻五福擬仁人庭前蘭桂流芳遠架上詩
書課業新異日

天家徵召至鷹揚繼跡輔

楓宸

崑

乾隆二十七年歲次壬午桂月朔後穀旦


其爾爾然三窟愛弟邑庠生施顯名頓首敬撰

論昔焉動藉書令其學此是以甲乙實錄於之

故蘇秦無香幹念似故數善夏休夫以參令甘苦

投謝於此三發不夫分四餘爾等無有非公事

獻與吟之甚悉姑言為指共為感日飲飲其堅



○郡庠學山公行傳

達一百二

公族丁氏諱在泮字獻琛號學山乃在城尙義顯
公之世裔也先世顯公輔國濟饑榮表朝庭助
級四山刊銘邑誌故徙居新建子孫富若貴英賢
濟濟有由然也而公之生聰明敦厚俊偉瑰琦里
人罔不稱爲世德之昌矣乃公之幼遇則固有甚
窘焉者年方六歲太君早世安人朱氏冰霜撫孤
一母一子形影自弔式徵若斯鮮不挫志而公爲
子弟時敬遵母訓捧讀詩書入孝出悌謹信親愛

賢帥友莫不刮目待之及稍長以家務故出乘耒
入橫經凡菽蔬井臼一身兼之與德配安人王氏
奉養萱堂事事先意承志二十有七壯遊黌序家
聲丕振兼之內助賢良幽閒清正彷彿葛覃之高風
勤修閭範勵鷄鳴之銳志佐厥芳型爰是詩書匪
懈信義愈彰克勤克儉家道日以興隆維熊維羆
夢占協其貞吉長君諱思煥字煜煌太學龍光次
君諱思繩字惠中芹宮球璧迨公紀半百之間家
財萬金子嗣崢嶸光前裕後克繩祖武不啻與顯

公後先踵美矣然公之爲人更有大異于衆者方
其貧也勵廉隅修禮義志取乎上不以衰微而墮
業行立乎誠不因艱窶而折節凡有志者尙可學
也而其富也厚親戚不吝捨施篤友于不嗇扶持
捐造文閣鎮一方風水首助橋田濟萬人寒冰祠
廟祖墓共輸積帑郡序邑庠厚資樂助且也施棺
槨以周窮乏捨茶湯以濟行人公固自貧而富者
慷慨之風如是則以內有安人內助之賢更得冢
君煜煌親睦族好施樂善相勸共成故誠爲人


之所難爲也公與安人花甲逾二遐然僊遊親朋
里族莫不流涕僉曰一世之完人也而公之意殆
猶有缺者公年耄如夫人孫氏誕牛幼君諱思振
字瑞中方八歲與孫等年尙未成立幼媛未婚古
云丈夫亦愛少子諒公之心不能是超而幸長次
二君善繼善述匪特財產均分毫無厚薄且建造
學堂延師樹教弟婚妹嫁各擇名門盡情盡禮較
公所行尤厚迄今幼嗣與孫世法世桂世友世綬
世聰師師一堂舉皆天資淳厚俊秀聰明而二君

朝夕之所教者壹以公當年所教之孝悌謹信親
愛爲率方來成就未有艾也是殆顯公之遺蔭長
歟抑公之厚德昌後歟南也居獲同鄉夙接光儀
志切高山仰止久矣今值盛族重修特表其見見
聞聞以垂不朽云

昔

龍飛乾隆四十年歲次乙未孟秋上浣吉日

眷晚牛歲進士張鹿南頓首拜撰



廣
德
道
觀
四
十
平
效
矣
以
未
流
焮
土
發
吉
且

之
若
昔
方
八
歲
以
孫
等
等
向
未
流
焮
勿
後
未
釋
也

開
闢
以
垂
不
泯
矣
誠
公
道
心
不
能
忘
也
而
亦
表
其
心

志
隱
高
山
仰
止
人
矣
今
節
節
益
效
重
新
排
表
其
良
良

幾
時
及
以
取
益
昌
射
機
兩
由
其
蘇
同
德
風
射
米
射

愛
為
率
衣
來
如
特
未
育
艾
也
景
節
顯
公
女
惠
菊
表

博
文
女
兩
燦
香
壹
以
公
當
平
兩
燦
之
幸
謝
辭
計
照

恭賀

嶷翁丁老年表兄贊

翁宅裏勤慎制行剛方克繼克述養父母也以順
吹壘吹簾處昆季也以和卽於鄉黨朋友間不貳
不欺財輕義重偶逢宴坐時輒引古語爲美談其
磊落丰姿生成稟性所以鄉國善士莫不愛敬而
優禮之假令翁而置身通顯出入朝廷其表勵
世風又何如耶迨晚年家頗豐足更加謙遜梓里
恃爲枉石總不以境地驕人亦無鄙吝惟周濟息

一
比
爭治家訓子是急庭前五子媿美燕山長者力農
爲務二三四五奮志潛修餘悉岐嶷識者以大受
許之一家中蟄蟄繩繩止未有艾也且年近七旬
跬步如飛理事治田稍暇喜與子姪輩講議不休
余與翁雖屬表戚而翁之行爲無一不與談心也
余亦深知其素緣畧敘大概該始末云文間不
余昔
乾隆乙未應鍾上澣之吉

歲進士愚表弟朱 球頓首拜撰

量○壽官峩翁丁老太公行傳

達百四十

人必爲世所仰望之人斯不愧於爲人乃得稱爲
一世之完人若 太翁者殆完人也 太翁諱孝

士字子峩號廻金乃 太太翁邑增廣生諱曾祺
公之少子也先世詩禮傳家聲振翼序無容復贅
溯翁生平明理義重倫常止奉椿萱無虧明發下
事伯仲無忝友于丰采耿介不阿言辭正直不苟
克儉克勤大開鴻業纘承纘緒聿振箕裘貧乏存
周急之心居家切義方之訓至若事之有關於綱


常者靡不竭力而經營焉丁氏大宗燮理四十餘
年而規模丕振寬川家廟總管五十餘載而祠宇
聿新且督修譜事已歷三次使世系賴以不紊者
皆翁之力也是以年幾杖朝享天家之大典何莫
非翁積善之所致歟更有安人應氏內助賢能幽
閒貞靜彷彿葛覃之高風勵鷄鳴之矢志庭前五桂
堪擬西川五鳳燕山五龍孫男十四俱有乃祖乃
父風度曾孫雙璧皆頭角崢嶸克昌厥後正未有
量○翁之福壽並隆行誼卓越豈片楮尺書所能

表其萬一哉蓮也忝在葭莩之末親炙日久知之
悉而見之詳適遇重修華乘敢以雕蟲之技誌翁
大之實以垂不朽云爾

昔

龍飛嘉慶元年歲舍丙辰律中林鍾上浣之吉

姪孫壻邑庠生胡漾蓮薰沐頓首撰拜



請乘嘉氣天半兼舍丙辰幹中林驗出計之吉能勝
 問其母位有喪之而民則驚鳴之矣志慮前至
 女實以垂不計云爾五龍原身十四俱有乃祖乃
 悉而良之精靈數重紛華乘輝以觀蟲之封結翁
 泰其壽之結數也悉在道學之末賤矣此八味文

壽官諱孝士字子峩號廻金丁老叔公祝文通白四十

維

大清乾隆五十三年歲在著雍涸灘月惟旃蒙單闕

越有三日當三七之期輝謹以清酌望饑饉之奠

致祭於峩翁丁老叔公大人之靈曰嗚呼天道無

知兮翁竟溢然而亡耶憶翁之篤生兮靈鍾川岳

思翁之制行兮潤擬珪璋上奉椿萱兮愛敬足法

下待昆季兮友恭堪坊處鄰戚兮和睦訓子孫兮

義方克儉克勤兮廣制田畝纘繩纘緒兮聿建華

堂遇困窮兮周其急撫疾病兮痛其傷卓卓兮為
 世所景仰表表兮予人所企望者也更有孺人應
 氏相敬如賓兮無慚卻缺齊眉舉案兮並美孟光
 堦前五鳳兮蘭桂生香孫男十四兮氣宇顛叩曾
 孫雙璧兮丕振莫量翁與孺人宜福臻河海壽比
 高崗何孺人年六十有五先翁九四日而歸瑤島
 大翁壽七十有八後孺人四九日而駕仙鄉嗚呼星
 移兮月落鶴淚兮猿戕翁棄輝兮雲山蒼蒼輝弔
 翁兮白水茫也清香一束兮醴酒一觴靈其有知

兮忻然來嘗尚初八傳

饗之傳家有道惟存厚處世無奇但率



所常掛人齒頰而邑庠生姪婿朱紹輝頓首拜

大人庶有近焉述其生平吐言端雅制行拘方衣


冠簡樸依然而觀古風舉此刻碑詐偽之為庶幾

長操齊也即後之人於冬日亦莫得仰前徽之可

愛於家亦莫得憶人品之在奕世下猶

是想

是想



增前帝恩今... 孫雙璧... 高崗何... 翁壽七十... 鑿兮月... 雲山蒼...

○外祖丁時初公傳

達百六十八

蘇轍詩以書其

聞之傳家有道惟存厚處世無奇但率真此二語
所常掛人齒頰而鮮有見諸躬也若魁之外祖
大人庶有近焉迹其生平吐言端雅制行拘方衣
冠簡樸依然而覩古風舉凡刻薄詐僞之爲庶幾
其免矣故與世周旋多愜人心此魁先祖父所
長推許也卽後之人於冬日春風得仰前徽之可
愛於冰清玉潔得憶人品之無瑕雖在奕世下猶
足想見其爲人所以當日海屋添籌年臻杖國蘭

階繼美慶見含飴膺多福於有永受繁祉以無疆
當不徒作尋常之耆老觀也則天之所以報善人
者不爽也矧夫外祖母山河望重洵稱居室賢
媛二舅氏喬梓情深堪謂保家令器魁也舞勺之
年外祖大人已捐館舍不克躬承色笑親炙起
居然以言外祖之爲人人所樂道卽異鄉殊域猶
得聞而知之而况魁乎夫不朽有三其要亦惟厚
可風惟真可久外祖大人厚人也真人也寧不
可以垂不朽乎茲值重修家乘聊綴數語以書其

大略云爾

昔

皇清嘉慶元年天月中望前二日之吉

邑庠生新建外孫朱

點魁
點文

仝頓首拜





皇朝詩苑卷十七
皇朝詩苑卷十七
皇朝詩苑卷十七
皇朝詩苑卷十七
皇朝詩苑卷十七
皇朝詩苑卷十七
皇朝詩苑卷十七
皇朝詩苑卷十七
皇朝詩苑卷十七
皇朝詩苑卷十七

可風世與可久
外祖大人風人也
其人忠宣不


大湖云爾
大湖云爾
大湖云爾
大湖云爾
大湖云爾
大湖云爾
大湖云爾
大湖云爾
大湖云爾
大湖云爾

○外祖卓如翁實傳

達百八十八

天之予人也遇之難所以處其遇固難有其遇之
尤難得以善處其遇爲匪易也猶憶所聞外祖則
方少而承祧也曾外祖固已謝世上承高外祖之
遺業遇已難矣而曾外祖母陳氏秉性端嚴言色
不以假人處家一循乎禮及長熒熒子立旣無墳
簾之雅踽屺獨行尤多牙角之憂困心衡慮少有
寧日此非其遇爲尤難哉而外祖內無違志外善
權宜不甘居人下善承曾外祖母之懿訓纘承基

業操守勿替奮志功名芹香得採淑配外祖母陶
 氏儀範足式姆訓堪誇共成家道推此志以訓子
 延師教育因而舅氏得以早游泮水顧瞻堦庭厥
 孫繞膝是亦處允難之遇之一大快也而且貌古
 而居心惟厚度量宏高不念舊惡而詐謀以自快
 不貪人利而肥己以損人橫逆之來惟平情以息
 爭非禮之加恆準理以消忿是以鄉黨尊其行重
 其品咸稱為長者焉迨後年踰七十有四乘鶴雲
 遊則五福不且得以壽而考終歟由斯言之遇之




難者任乎人之所以善爲處處其遇之尤難人鮮
不挫其志外祖獨能全其操斯亦未始非天之困
善人而實以亨爲報也琳愧菲材不敢妄爲稱道
跡所聞而親所見敬爲傳述以垂乘後於不朽云

皆

皇清嘉慶元年歲次丙辰蒲月吉日

外孫郡庠生朱 琳拜撰



... 善人而實以享... 不對其志... 獲香... 年人... 以善... 其... 志... 大... 人...

○外祖行達三百三十二公傳

外祖諱文星字獻栢者岳川正直人也夫人得天
地之正氣以生惟是剛方之概耿介之操最不可
滅外祖生平早失怙慈母在堂奉養不失子職處
兄弟間怡怡和悅家庭大節已克端矣率天性之
本然盡人事之當然正直孰有過於此者而其處
鄉黨間亦惟正直爾與是曰是非曰非立言不肯
稍有阿徇其正言讜論令人耳聞而心驚其排難
解紛令人心平而氣服雖三代之直道已邈而天

地之正氣猶有存焉所謂剛方之槩耿介之操外祖其庶幾乎其餘慷慨好施之末交遊盡善之文可無殫述矣配外祖母田氏善宰中饋婦德堪誇生母舅一諱作銘外祖在日訓以義方幼年肄業州序旋入黌宮貽外祖以令名而且表兄輩濟濟一堂胥頭角崢嶸英俊不凡將來大振家聲正未可量此皆外祖爲人正直積善所致也諡法云大行受大名細行受細名如外祖者非所當家乘載

之者哉

遠

父自莫雁後時往來其家叨蒙恩意不

淺吟值華乘重修悉舉其生平以示遠承父命謹
爲之述其大慨云耳


昔

嘉慶貳拾壹年歲維柔兆困敦林鍾之月穀旦

外甥邑庠生田光遠頓首拜撰



此書之體裁與前書不同其體裁之變遷
 蓋由於其時代之變遷也夫文之於世
 猶水之於木也木無水則枯水無木則竭
 文無世則廢世無文則亂故君子必先慎
 乎德而後修其文也



○濟陽郡樸誠翁行傳

行達三百七十九

人之傳於世卽能與世俱永而爲百世芳者事各不同而可以一言蔽之曰善其在土則有編諸國史其在下則以錄之家乘蓋欲其傳之久以爲後人式也乃天亦因其所爲之善而各報以福如箕川丁姓貢生諱曰昌號樸誠翁者其人忠厚人也其才識非有大過乎人而其爲善則有可歷數者翁兄弟二人行居二年十四析箸家無長物翁子然獨處比長力農之外兼事負販僭需人陳氏同

心育鞠而家道自此興以至六旬後廣置田園大
開第宅視始有時奚啻倍蓰或謂翁有奇贏之術
而不知其於艱難中立業節用惜費銖積寸累而
成之也每遇歉歲爲粥以食貧人凡遠近建修道
路橋梁廟宇無不樂助其度量恢宏如此殆所謂
儉故能廣者歟歿翁生平由束髮至耆終從無疾
病洪範五福其以一身而兼備之歟膝下二子長
汝超遊身邑庠次汝修策名國學悉能恢廓前緒
克承敦厚家風孫曾濟濟繞膝成行並崢嶸出眾

享年七十有三親見五代天之報施殆有未艾焉
女二長適凝碧張姓次適洋山樊姓裝奩外各給
田畝 祖母張太孺人矢志栢舟翁爲請旌建表
云

皆

嘉慶二十一年歲在柔困敦季夏穀旦

邑廩生曉園陶甄頓首拜撰



嘉慶二十一年...

路昔

定

田烟... 脈科題本...

文二... 裁...

...十... 三...

○祖母田氏安人實敘

行達三百九十五

續家譜

夫苦心足以感天地貞節可以通神明者其吾祖母乎祖母者臚臚田四德太外翁之女也與吾祖諱乾元同庚結髮當二十七而寡伯氏無祿吾父居仲諱順友甫四歲而孤斯時也冷落孤栖形影相弔叔兮伯兮莫我肯顧不啻在荆棘中矣乃矢志金石勵節冰霜恩斯勤斯鬻吾父閔斯漸得成立就傳訓以義方初試遂入黌門此心差可自慰乎而於夫妻之誼死生之情更有切焉者吾祖沒

時親歛衣衾葬後自收骸骨斯其情至誼盡誠哉
寡二而少雙矣更可憫者吾母亦田氏又不幸早
逝吾年亦甫四歲而哀哀匍匐誰爲與育俯念祖
母當日真有寢不安食不甘居不寧而不覺涕之
何從者旣而娶吾繼母麻氏望其代養成成人乃生
有二弟無何遇同閔子而祖母之心愈增慘怛焉
則吾所出入顧復而頃刻難離者其祖母乎則吾
所日夜興依而疴癢悉喻者其祖母乎及吾稍長
不欲勞以稼穡又必督以詩書從前苦節寃情悉


舉涕泣而道望吾成名聊爲爭氣蓋言猶在耳而
心豈忘恩吾也食貧敢云非病竟以涉獵之學倖
列庠序之班夫孰非祖母之苦心貞節有以貽之
乎故曰感天地通神明且必錫之以壽無疾善終
享年七十有七今日者燕翼詒謀並採芹藻且子
而有子濟濟一堂况孫復生孫彬彬日盛令九泉
而可作也庶幾憾矣乎

皆

道光十年歲次上章攝提格陬月上澣吉日

蘇州府志卷之十

孫邑庠生廷選頓首敬敘



而河... 而... 亭... 平... 年... 頃... 心... 心... 心...

嶽父行傳

行達六百四公

先嶽翁諱三泰字時開丁姓太嶽翁周宏公少子也世居靜岳鄉其先任監察御史諱輝公由溫嶺徙縉後遂族甲五雲代有聞人而先嶽翁歿以隱德著翁幼失怙恃迺踰躑躅窮不自存嘗寄廨外舅家居未久喟然歎曰寄人寓下終非長策縱彼能憐我大丈夫何堪受人憐尋歸梓里里之人咸憾焉以爲不集於菀集於枯居無何操築居奇樂觀時變往來吳會之間未十稔而家不訾此亦足

以徵猷守矣初翁之阨塞也鄉之豪右輒肆陵轢
翁情恕理遣勿與校久之豪右卽以驕恣敗間或
踵其門翁終善遇之不以爲言嶽孺人不忍其徇
欲前吐其宿恚翁亟止之曰我縱不言渠豈不知
人以是咸稱爲長者且又不數守錢虜而好行其
德和往來戚里歲云數矣聞稠人廣衆中有感述
翁舊德者初覺譽之已而見其家一篋舊有標記
黜昧就滅虜辯識此債度不能償數字心意必是
乞假者質券也胥眡之果然詢之舅兄逋欠纍七

何不詣取曰此乃當日之遺命然也軫念貧無以
庚賞之廼始憬然於曩之相爲銘恩感德懷允不
忘者其在斯乎因憶此與其里老成人稱道其事
其人若黜黜然已乃言曰乃翁慷慨匪止此瑣也
辛未縉大饑什者屢矣乃翁捐米爲粥以待餓者
數日活人尤多和聞益瞿然以爲人不可及歐陽
子有言利雖不得博於物要其心之厚於仁和於
嶽翁亦云然和見金鞭斷折九馬死骨月不得同
馳驅俗之好名者今古一轍翁之所以取重鄉里

者其行證有足多也蓋翁曾以不逮事父母故風
木之痛抱恨畢生君恆語及盡然不知涕之流落
與伯兄思源公相友愛遐邇翕然稱之翁間靜少
言不苟逐時世作嗟吁嚔喞狀惟晤對伯兄輒嘔
喻相笑語爲樂時而家御珍饈或肥鮮偶因菘苴
所人必思分甘相與啗之席無伯兄木嘗下筯翁
之事兄多類此厥後先伯兄逝彌留時勗其子曰
我當年伶仃孤苦出入與偕孑然一兄今我又先
弱焉汝曹尙其善事之永矢乃父愛兄心言已淚

涔匕下噫友鼻之誼生盡之身死所其子用情如
翁人莫測其中藏底止矣伯歟翁常語人曰我之
弟幾生修來也脫令當年雞豚逮存由其事兄之
篤而想其事父快意承顏必有當於古孝子事親
之道者以視好名者其行誼方之蔑如間攷丁氏
譜牒麟匕炳匕登諸邑乘者較他族倍夥翁非其
亞歟和特表而出之以俟夫世之采風者嶽翁誕
於乾隆辛巳年四月十二日子時嘉慶庚辰年九
月初一日午時壽終享年六十嶽孺人姓田氏考

諱周花世爲閥閱名族嶽孺人格勤慈儉而有禮
督孫子以力學尤嚴明剴切邑侯林公耳其賢匾
其廬曰畫荻芳徽明歲在亥壽八十矣賑窮恤貧
之心不少倦丈夫子四伯曰炳如仲曰興如國學
生叔曰溫如季曰文如邑庠生與和同出朱崑圃
夫子明經處士門下女子七一舅兄奉萱堂聯棣
鄂而四世同居得之過庭者深矣孫永賢邑庠生
永鬻邑庠生永施永邦永聚永彬永堅國蘭俱業
儒延名宿教授家塾中孫女四適各楣巨族曾孫


挺雍挺脩挺忠挺超亦皆嶄然見頭角曾孫女六
幼未字承承繼繼翁之詒謀未艾也和媿黥淺不
克闡敷盛德尙喜詞無溢美翁之從姪孫汝嘉道
光壬午科副車和兩次同年友也書就質之亦以
爲不誣云

崑

道光戊戌年夏六月既望

邑廩生子壻呂克和頓首拜撰

色... 子... 辭... 故... 味... 醇...



遂次... 其... 大... 代... 際... 望...

昔

蘇小... 臨... 云...

米王... 千... 條... 隔... 車... 西... 大... 同... 事... 文... 也... 書... 綿... 習... 衣... 也...

京... 開... 煥... 盛... 飾... 尚... 喜... 隨... 無... 益... 美... 絲... 文... 飾... 我... 將... 好... 燕... 豈...

故... 米... 字... 承... 承... 繼... 餘... 之... 儲... 藉... 未... 艾... 也... 賦... 錫... 對... 本...

我... 來... 時... 節... 送... 忠... 誠... 亦... 昔... 博... 然... 且... 願... 會... 氣... 文... 六...

○岳父學成丁翁行傳

道四十一

學博證明才情廣慈孝仁厚德量高此固古今之所珍而昔人每嘆爲至難者也惟我岳父兼而有之岳父諱學成字立九行列若杲翁之長子也少卽以嗜學見稱二十前採泮藻二十後補天祿其所著作類若萬選青錢一時四方俊士咸爭事受業焉設帳于本村及西岸上前城南等處所至無不沐其教澤者知岳之學問宏博也一生大度謙冲遇鄉黨不平事輒勸解之鄰家有疾一如身受


百計圖治之歛客則取豐接友則積誠昆季痛艾
其嘗而宗廟所關祀典所係事尤竭力盡志焉岳
固誼明人也有子三女二孫五六類以寬和爲教
閒則講禮導義急則屬事考成非其能也亦無所
苛責惟于溫清定省之儀雖幼冲莫不示以內則
之規岳其慈孝兼盡者歟至於操行維謹出話維
艱任吹簫十人守緘默于已怡彼白雲枕茲清澗
洒然自得絕無刻薄寡恩事著人齒頰非甚仁厚
孰能與於斯乎岳之懿行如此所以岳母陶氏終

溫淑慎長舅泮宮有耀二三舅咸卓越崢嶸意天
之所以厚吾岳而介福洵未有艾也鰲忝居半子
豈敢漫爲浮談以妄加諛媚特于岳生平甚悉素
行甚熟故不揣謏陋爲略表其概云

肯

乾隆四十年歲次乙未陽月之吉

子婿郡庠生張鰲頓首拜撰



Faint vertical columns of text, possibly bleed-through from the reverse side of the page. The characters are largely illegible due to fading and ghosting.

念典公行述

道六十二

古戰琴自

今夫位乎上者天位乎下者地羣然萃處乎中者
人也振古以來人亦不知其數矣然無愧爲人者
曾不數數也何則人有倫盡其倫差許爲人使大
倫有乖而所謂人者安在哉今文 岳父大人幼
失太岳母及稍長又失太岳翁至五十餘時續太
岳母猶在焉岳父事之盡其誠敬母子嬉且足稱
庭闈聚順之休矣方之於歷山之孺慕未知其何
如然非今人之所能企也文之 岳母卽文之太


姑優柔樂易洵稱內助之賢如岳母葉氏勤儉居
家亦得順從之道岳父處之永諧伉儷之歡方
之於梁鴻孟光未知其何如亦非今人之所能企
也生舅兄二人長福遠次樑遠嶽父教以義方
長舅已列泮宮次舅才亦出眾父肯堂而子肯構
方之於三蘇未知其何如亦非今人之所能企也
嶽父與叔岳藹匕怡怡吹伯氏之墳應仲氏之篋
棠棣競秀真謂難兄而難弟亦之於首陽之昆玉
未知其何如今非亦人之所能企也至若彈琴自

樂杯酒消愁蒼顏白髮意在山水之間儼然廬陵
歐陽公而復在也豈尋常之耆老可比論耶文也
管窺之見所識不多據耳目之所及者思之倫常
之道惟 岳父庶幾其克盡矣是 岳父不亦超
出人類乎然 岳父亦非有異也不過成其爲天
地間之一人而已矣

嘗

嘉慶元年歲次丙辰五月望越二日

子婿庠生朱黠文頓首拜撰



此間之人...

出入... 然... 非... 亦... 不... 其...

... 善... 文... 無... 其... 京... 盡... 其... 密... 父... 本... 亦...

... 學... 終... 其... 無... 備... 不... 多... 對... 其... 目... 之... 而... 外... 各... 法... 之... 倫... 常...

... 煩... 而... 其... 亦... 也... 豈... 學... 常... 之... 善... 法... 何... 此... 備... 報... 文... 也...

... 繁... 林... 國... 之... 善... 餘... 自... 變... 意... 其... 山... 水... 之... 間... 然... 豈... 刻...

○丁君煜煌行傳 道七十

丁君煜煌諱思煥予之同年友又兼誼屬表弟也
爲人狀貌魁梧慨慷好施嘗鋸木以殯無歸之屍
烹茗以潤市人之渴舉凡四方修造靡不樂捐君
之行彰也如是炳思太學榮身可以言貴衣食豐
肥可以言富兒女盈前可以言福三者兼全人之
遇也難矣君誠兼而有之此皆天之報施好善理
有固然者因思友君奉高堂以孝欵親朋以情創
豎美崖廣增良田玉季金昆堪媲美於三鳳芬枝

芳樹足接踵於謝家髮配堂姑惜早卽世繼配施
氏淑質可嘉產有賢姪長名翰遠次名宏遠令孫
盈庭英七卓立終成大器可預卜也易有云積善
之家必有餘慶其信然歟聊綴數語以誌不朽

皇清嘉慶元年姑洗月上澆之吉

郡貢生愚表兄朱炳頓首拜撰

下香墨戲詩思妙字文同平文又兼簡潔表前出

○下香墨戲詩思妙字文同平文又兼簡潔表前出

○行道七十國學生岳丈丁煜煌公行傳

蓋聞箕疇終以福之五螽斯美於南之一讀範者

未嘗不爲之流連誦詩者未嘗不爲之慨慕也顧

諸福之集螽羽之繁膏也竊於

岳丈徵之丈諱思煥字煜煌號懷仁國學生元娶

岳母朱氏繼岳母施氏實之族中祖姑也生

三舅曰翰遠曰宏遠曰朋遠其長則膏之姐丈也

女二長配膏姨適長坑周新恩丈獨念吾

岳琴瑟和而室家宜梁案齊眉並年逾花外後乃

仙逝已近古人所謂中壽矣矧生前事業甚彰堂
構森嚴繩其祖武田園厥美貽廣後人非其富乎
平以爲福好樂無荒靜以致遠從容自和非其康
寧乎而且好善樂施存順沒寧非其攸好德者終
命乎抑不獨此賈薛三鳳桐棲之孫枝繁衍若建
邦若宗望已先蜚聲翼序片羽吉光矣其得孫男
九孫女四曾孫初立七繼自今而振振而繩也而
螿螿後來者猶未艾也則其美也南文一齋碑首


嶽丈不洵諸福獲全子孫衆多哉第膏也坦負東

牀徒思胡餅質非玉潤有愧冰清聞嵩嶽之砧早
入郎君之谷仰泰山之德夙拜丈人之峯不敢飾
此輪轅爰以扶其質幹云爾

崑

嘉慶二十一年歲在丙子六月穀旦

澤川邑庠生子堉施膏盥手頓首拜撰



羣川皆率以午辨誠

嘉慶二十一年

批紳難受以共其賞

大澤春谷仰泰山之巖風

根守以助

○嶽父之坊公行狀

道七十一

嶽父諱之坊師京則其字也生而家業艱辛遂無
事於學業因決意於服疇其事父母也以順其處
昆季也以和敦節儉不尙浮夸務力田奈計力憊
凡親戚往來一以真誠相與而絕無欺僞之心守
本分而安歲月存天理以度春秋則岳雖非士林
中人而其所行之事當亦士林中所樂引爲同心
者也岳母詹氏以貞以順克儉克勤相敬如賓無
慚卻缺織紉不怠堪擬敬姜幸而家業漸積俯仰

有資嫁女婚男了子平之願是岳宜享大年理當
有壽何大不弔竟六十有六忽羽化而登仙良足
悲矣幸尊舅竭二力務農克紹箕裘蘭孫有二卯
角可喜方昌方熾蓋振七乎其未可量也蓮也分
叨半子豈敢漫爲浮談以妄加諛媚特於岳之生
平甚悉於素行甚熟故不揣謏陋敢于重修譜牒
之時畧書數語以表岳之大槩云爾

龍飛嘉慶元歲纏丙辰律中林鍾上浣之吉

子壻邑庠生胡漾蓮薰沐頓首拜撰

○友君丁雲軒行傳

道七十三

卷之七十三

古云行優者名重德大者報隆夫豈易副哉獨於
笈川丁族友君有合焉遯厥友君字懋中諱學脩
號雲軒實爲若吳公之仲子也跡其生平賦性英
敏學識過人總角事詩書弱冠遊泮水自是學與
年進屢試優等而榮膺天祿其教子也義方有訓
固噴書香於一室其教人也從遊日衆亦成多士
於遐方發爲文章敲金戛玉著爲字法活虎生龍
洵昂昂乎擅儒林之望者且其立言不苟胥信實


而謙恭制行無偏純中正而霽吉施與不吝取人
不貪舉親戚朋友無不敬之重之愛之慕之卽縉
邑胡學師嘗以文行兼優顏其扁焉德配卽采之
姪女淑慎賢良篤生二嗣狀貌異常長世勲次世
南難兄難弟皆身列膠庠其長之侍養父病也竭
力而事嘗割股以進鄉里莫不稱其孝行於今蘭
孫挺秀滿於堦前何莫非我友之行優德大因以
克昌厥後哉若天假之年得以榮膺鸚薦愈足美
也惜乎年屆六旬餘歲忽焉仙逝余深爲痛傷歎

噓揮目遂不辭謗陋聊綴數語表其行誼以寄交情云

峇

嘉慶元年歲官丙辰月維季春止澣穀旦

郡庠廩膳生朱采頓首拜撰





嘉慶元年歲官丙辰月...

昔

謝


...

○雲軒夫子行傳

道七十三

夫子諱學修字懋中號雲軒夫子飛等師事有年
矣竊憶肫誠指示及門類先品行而後文藝以是
知夫子固砥行人也夫砥行則行敦行敦而誼
以正而性以定且情亦於是乎永而氣亦於是乎
和所謂躬範飭而動履貞學養純而照攝密推之
持己待人御機應務凡服御飲食以及辭受取與
間罔勿適當其可此慥也之所以爲君子而謙謙
之所以獲占終吉也至若衡文則以清真爲鵠友

教自必因人而施其裁成本邑之學士文人指不
 勝屈聲聞下邑飛等感慕芳徽自乾隆乙酉始接
 請於敝處金竹後庫頭西溪坑里以及滴水巖等
 處後先延請三十餘載我父我兄羣稱善誘之多
 術我鄉我里其沐薰陶之有成飛等追隨日久沾
 染良深自寸進後稍能知自檢束不致有玷於衣
 冠者無非 夫子德教所濡裁成化導始得以克
 持有盡之髮膚也非獨親炙者為然即敝邑之風
 化行見轉浮華而歸篤實則盛德之及人豈僅飛



等之獲沾造就爲足以見教思之無窮哉至於居
家凜詩禮之傳教子切義方之訓故世兄二長諱
世勳次諱世南皆芹宮球壁虎觀聯名他如奉椿
萱和伯仲敦倫篤族講誼推恩宗黨咸深景仰屬
在夫子桑梓間應必有大手筆而爲之記其實者
飛等無容僭採一辭云

龍飛嘉慶元年歲次丙辰蒲月中澣之吉

麗邑受業門生列名於後 邑庠生李鵬飛

欽授分縣翁正華 貢生翁斗魁

增廣生李其國 陳 葑 周繼紳 翁開賢

郡庠生 李其榮

邑庠生 陳朝綸 潘 掄 李其良

張紹梅 李一樑 朱景芳


桑泰煥 李其邦 周景章

周資寶 李生茂 李纘緒

李其相 李生成

朱林松 桑緯綸 翁開哲

翁開初 全頓首百拜謹識



○雲軒先生諱學修字懋中丁夫子傳

道七十三

嘗謂盡道者不求名爲善者不望報而榮名報施
未有或外乎盡道爲善者也丁夫子殆有合焉夫
修身齊家者道也成已成物者善也先生之爲人
性正氣嚴辭莊貌肅取與凜於一介行藏合乎時
宜不幸師祖與母天限以年嘗有椎牛祭墓不若
雞豚逮存之嘆事續師祖母膳養葬祭無異所生
愛厥兄翁若壻篋處義弟恩同骨肉施於家稱爲
有政非先生之所以修身齊家盡道者乎若夫善

事經書慧心天授事則斷以前經文則專尙雅馴
不獨縉邑之西沾雨化而文風丕振卽麗邑之北
沐造就而著作大新受業者衆成名者多非先生
之所以成已而成物者乎品行如是德業如是七
以主胡仇三位師尊屢以優行薦舉旌文行兼優
額匾師母乃琳之伯姐也徽音克嗣懿範堪誇世
兄長諱世勲次諱世南家學黌宮論者謂兩宋堪
追二蘇濟美而且蘭孫有耀類皆頭角岐嶷先生
之昌後信未有艾也豈非天以榮名報施於有道

爲善者乎琳等幸列門牆深沐至教繕寫大致紀
錄實行雖無以盡先生之高深亦聊以誌不朽

崑

大清嘉慶元年歲在丙辰荷月上浣之吉

受業門人列名於後

郡庠生朱琳

郡貢生陶鴻

邑庠生李光愛 施朝宗

朱煥 陳疇 馬鳴彪

李調元 朱點魁

施宗夔

馬世祥 朱瑞

樓鴻

楊潛溪 陳嘉言 陶虞選

陶紹彩 陶紹庚 施膏

朱有章 弟耀宗 姪世英

大... 全頓首拜撰

... 不...

... 大...

○鰲峰先生行傳

道一百八十八

蓋自聖教衰微而修身繕性之學甚難責之古今
人也以觀吾師實無愧焉師爲濟陽巨族諱占魁
字載鰲號鰲峰行道一百八十八公遯厥生平矢
口無戲言臨財毋苟得侍膳盡爲子之道入廟存
敬祖之心泯雕琢之俗情并忘乎俗之多雕琢絕
炎涼之世態更不知世之有炎涼聲色貨利之胥
捐仁義禮智之悉其貌古而色猶溫年高而德彌
邵同遊咸推性善之士及門共仰理學之師娶兩

師母次得偕老事事俱凜母儀生五世兄四紹書
 香人人恪遵古訓即此家道有成莫非吾師之盛
 德有以致之也總之大而綱常倫理小而動作威
 儀無一少苟焉嗚呼倘生晦翁夫子之時與吾邑
 陳氏伯明伯固二先賢於獨峯書室共立門墻則
 道學之統相延一脉者不更增一人哉魁幸同居
 幼得追隨微窺吾師始末有以確知素行者茲值
 重修華乘感念吾師獨為超出尋常之品爰據實
 以陳而為後人法云

峇

皇清嘉慶廿一年歲在丙子桂月上浣之吉

受業門人邑庠生朱點魁

孫景祥


陶望成 施廷恩

張誠心 趙廷裕

外甥張聖時 弟耀宗

姪世勳 世英

仝頓首拜撰



皇朝漢興廿一甲歲在丙午卦凡生於此者皆

受業門人思報以米糶德

國整如 蘇廷恩

蘇廷恩

蘇廷恩

皆

○鳳鳴兄諱學文行實

道一百十八


丁兄鳳鳴者予同年友也亦稱莫逆交蓋嘗遍閱
羣倫覺其爲人有獨異者以歡洽爲相與無圭角
爲相愛所謂少相狎長相優又相謗者此朋友之
通病也其能攝以威儀者誰歟論事之餘人可亦
可人否亦否其能不徇衆論而獨伸己見者誰歟
至與人有約不踰時而反覆而能久要不忘者尤
難若夫不慕勢不蓋威柔不茹剛不吐者求之斯
世蓋亦往往而鮮也乃吾獨得之老友丁鳳鳴


兄性端嚴已諾必誠遇事能斷無依違無諂瀆此
 鄉黨可共質者也猶憶當年予與兄同受業於崧
 嶽應先生風月之夕講習之暇促膝而談非規則
 勸有古人風焉予自締交以來其獲益於友者於
 兄為多迨其後赴童試也同日采芹香也同年雖
 曰人合豈非天作哉至於今雖老之日如少之年
 蓋猶依依有不忍舍之意洵良友也予不敢阿所
 好姑紀其實以風云

書

龍飛嘉慶元年歲次丙辰夏月之吉

契弟邑廩生樓步雲誌





[Faint, mostly illegible vertical text columns, possibly bleed-through from the reverse side of the page.]

論... 平... 天... 氣... 夏... 月... 之... 會

○岳父以成丁公行傳

道一百三十六

嘗思莫爲之前雖美勿彰莫爲之後雖盛勿傳是
善作固所以克篤而善述亦所以克承也
於箕裘驗愈明於罕誓作室肯其堂構知勿壞於
有基爲人爲子毋亦是務乎濟陽氏有諱以成字
韶九號奎璧者係先太翁諱若果達二十八庠生
公之次子生平大槩何如也淳樸其性淡泊其天
本欲振家聲於讀書曷忘恢古人之勩業少始知
習幸承方之有義者一十八年長卽通方儼等處

而擇鄰者四十三載當嚴父全受全歸猶不墜青
雲之志體慈母有年有幹宜敢存白首之心乃艱
其遇而天實爲至守厥操而人自定在鄉曲不管
閒是閒非處家庭必能克勤克儉習於斯守於斯
是全要領以全先人於九京也人有以告潛曰古
風確守微斯人其誰與歸潛應之曰然爾亦知卽
予之岳父乎予之仰芳徽匪朝伊夕矣耳而目之
心切偉已 岳父正直奉三代之化明發懷二人
之恩取功名而不戀嚴規矩以相依德性率其真

衣食從其樸纘緒則一心千慮建功則異轍同規
憑天理以度春秋毋少貶損守本分而安歲月不
佔便宜其美殆難縷述已且岳母施氏忍耐溫柔
敬可修而凜凜順爲正以雍雍因之桂子若可方
五瑞蘭孫先有應一元故大舅諱鏌藝苑任馳驅
鬢宮覘起舞至於衆舅丰神俊逸卓爾不羣表姪
頭角崢嶸悍然自異熾昌而古今有耀繩繼而先
後流芳非天之厚吾岳而介景福曷有此馨無不
宜乎潛也分叨半子念展微忱不揣菲才而自效

寧敢溢美以加褒悉岳翁之素風瞭如指掌纂譜
牒之真跡炳若日星人喜而笑以為此洵一字不
可增損佇見於今為烈者無異自古為昭也謹識

肯

嘉慶元年歲在癸卯執徐臯月下浣吉旦

婿 邑庠生子婿朱 潛頓首百拜敬撰

出野宜其美

懸大豐以與春

本外益其對

○濟陽郡韶九老姻翁行傳

道一百三十六

竊思各氏族譜牒中有傳贊一門者無非以其有善可錄有德可嘉因恐其人一往其風遂微思有以表而彰之以傳諸不朽此傳贊之所以有也吾於丁姓親翁各以成字韶九號奎壁者有感焉夫

人莫貴於有守而亦莫難於有守守國守家其事不同其分不同其理無不同前人之緒業所以垂於後者無小無大莫非詒翼之謀也而後人不能守則前人不能無恨所以有其肯播者尤樂有其

肯穫者有其肯堂者尤樂有其肯構者也第創業
難而守業亦難非勤不能守非儉不能守治家無
法不能守處事無才不能守故七穆有保家之主
趙孟稱焉翁家累世積德至翁身富厚已十餘代
昌熾之久甲五雲焉但翁生平時運多艱財亦迭
破夫亦難於守矣而先業之貽且有增而無損此
則翁之高人一等者也至於人之處世或不免趨
炎附勢以至是非不顧一味阿意曲從者有之翁
也嚴正自守見貧窮不作驕態遇富貴不生諂容

寧率性以孤行毋徇人而失己其財則不妄費而
鄉里公事又無吝心此又翁之不同於流俗者也
淑配親母雅施施氏相夫以德治內有才上能順
其公姑下能宜其家室但天不與之以壽痛抱終
身庭桂之發比於燕山長曰世宗幼事詩書名登
庠序次日顯宗三日纘宗四予甥也曰敦崇五日
保宗雖長與三不幸無壽然而天也非人也堦蘭
之先發者曰伯千伯善長所出也曰伯堦伯滄伯
池伯慈次所出也曰伯汪伯高四所出也曰伯溫

伯鴻五所出也曾孫一曰為棠二曰朱元則長之
長又透先枝矣其足以下丕振於家聲也又何言
哉今也翁年將及髦為父之事亦已就畢第見其
時而含飴弄孫時而壺觴自酌時而閒書消遣時
而竹床養倦餘年之樂又奚似也茲因盛族華牒
重付剗劂爰為之傳以為吾翁誌不朽焉

嘉慶二十一年歲次丙子季夏穀旦

眷姻弟邑廩生陶其甄頓首拜撰

○右族丁姓德厚翁行狀

從來德者才之體才者德之用此才德之所以難
其人也我翁庶幾其近焉翁諱朝颺德厚則其字
也生平抱有才能止慰父母之心下篤手足之誼
持亡待人悉合時宜且輕財重義遇親族朋友中
有力不能以婚娶者則先出己資而爲之竭力經
營以存其後遇窮乏則賑恤以周其急閭里待翁
以舉火者不知幾家此非其德之所流露與至若
鄉黨有事每出一言以分曲直致息其爭訟之由

故匪獨里居每賴爲撐持卽鄉都尚藉爲柱石此
非其才之所見長與淑配劉氏敬修中饋無殊陶
母之留賓真所謂壺範堪嘉姆儀足式者矣堦前
玉樹雙璧卽延師教訓慈而能嚴故長諱維潛年
方舞勺英資卓越諒非池中人物次諱維清甫離
襁負且嶄然而見頭角將來採芹香而攀月桂丕
振家聲正未有艾也愚與翁忝在相知而半平行
誼亦知之甚悉茲因盛族重修不揣謏陋聊述數

語以紀其實云爾

昔

龍飛嘉慶元年歲在丙辰林鐘月朔後五日穀旦

邑庠生眷弟李彥祖頓首拜撰

日知錄卷十七



諸侯燕與不手燕亦丙氣林毅其勝翁五日嫌且

世

○慎庵公序

行道五百六十九

寬川慎庵公以例貢成均予親翁也

太翁樸誠

公與太夫人陳氏以寒素興家生公兄弟二人長
升菴公居次自幼天性純篤最得堂上歡心卒不
敢恃愛而陵長故一庭聚順梓里共欽天倫之樂
至老無間承先人節儉日用俱崇淡泊而遇事好
施又未嘗吝於財也嘉慶庚辰歲大旱民不聊生
公倡議救饑發己粟先之里人全活者不少及道
光壬辰歲又旱公率先賑恤如初邑城舊有金蓮

書院歲久將傾公慨然以為己任獨力更造二鄉
 頌德昔范文正公遷己宅為學基出己產為義田
 古今稱盛事焉公則彷彿近之夫苑家世德相繩
 累朝科甲不絕天之報之者誠不爽矣若公之將
 來亦未可量也公配孺人楊氏德性溫順和睦止
 下助公教家并力贊公為善洵可謂兩美之合茲
 並六旬有餘五丈夫子長三先後遊庠二入太學
 餘及諸孫皆業儒居然詩禮家風矣女一適予五
 子鏘亦乘宜家之訓克循婦道其佳氣發祥之漸

固何如哉彰下士也素不諳文墨慕公之德足以
風世故不揣謏陋而樂爲之序


昔

道光十八年歲次戊戌桂月上浣穀旦

恩貢生候選直隸州州判

河川姻愚弟雪巖朱 彰拜撰





Faint vertical text columns, likely bleed-through from the reverse side of the page. The text is mostly illegible due to fading and ghosting.

華山叔父行傳

并贊道六百五十一公

卷之八

今以樂善好施之士行有可傳而不爲之傳非特
無以發幽光而亦非所以勵末俗也然則有可傳
而當亟爲之傳者其惟吾叔父乎叔父名西

岳號華山淑配

孀母施氏居篔川其爲人也無

惰容無猛氣不務紛華不趨勢利恂恂然似無足
以表異迨至約而好施嗇而不吝賙急濟困弔死
恤傷其輕財重義正有足多者慨自世俗之媮也
借父耰鋤慮有德色母執箕箒立而諄語比比然

矣矧以土瘠民貧之鄉加以水毀火旱之歲問誰

肯解衣衣人者乎又誰肯推食食人者乎壬辰歲

大禱 叔父獨出其家貲為鄉里先里中有力者

翕然助之計口授糧給至月餘而後止乙未復大

饑 叔父又變其局以行之以往年分給賑濟為

時無多為力難繼廼捐資販糴減價平糴無價者

日給四兩行至秋熟而後止兩歉歲中室多罄懸

人鮮菜色 叔父之力也然而同里免嗟饑之悞

獨異鄉多暴露之屍骸 叔父又心憫之爰多置

木棺於家內俾報知者輒昇之不計人之親疏道
之遠近并給其殯葬之費行之養年已施捨五十
餘棺矣推之修孤塚立義祭俾先世之鬼不至餒
而則允行善於冥亡之中夫豈以沽名市惠居心
哉又善正風俗大約以孝弟力田相勸勉里中有
博奕者必正言告誡以爲廢時失事莫此爲甚且
立法以禁之年來而此風遂熄非化導之有方歟
今叔父年週花甲而經營膂力似方剛時又復
琴瑟偕老將來享耄期而榮寵錫可預卜焉男

三長連開次江海三江河皆侗儻不羣有乃父風
孫男趙宣亦崢嶸頭角克守寶田竚望煥人文而
振家聲皆叔父之好脩有以券之也姪不佞言之
無文第知叔父之樂善好施有可以勵末俗者
故枚舉之以載於乘爰為之

贊曰

笕溪之水
淙淙
涓
長流
有人樂此
綽然清幽
耕食鑿飲
太古與儔
餘賙貧乏
澤及枯骸
閭里化之

六博聲收

歸真返樸

不愧儒修

又曰

桑榆晚景

益吐芬芳

飭躬圭璧



訓子義方

師傅勿怠

詩書毋荒

高朋勝友

醉必十觴

禮耕義種

為善必昌

齊眉梁案

孫子滿堂

昔

龍飛道光十有八年歲在戊戌之秋七月既望

壬午科浙江鄉進士族姪汝嘉頓首拜撰

弟太學生 興如

姪邑庠生 守丹

郡庠生 芝瑞


郡庠生 松年

姪業儒 寶琮 賡興

維潛 世清

維清

全頓首拜



笈川丁慎齋表叔道七十三及之長子也父
病割股以療率成五古一則以紀其事


藏器倡一言自昔多割股以股爲葯物或云亦無
補惟存真誠心可以救病父一念發天真何嘗計
痛苦從來真孝子若愚仍若魯今之養親者問誰
能師古聞君曾行此差許丁蘭伍大本旣克敦餘
行復何數

肯

嘉慶元年歲次丙辰蒲月望越一日

邑庠生表姪朱

濬謹識



Faint vertical text columns, likely bleed-through from the reverse side of the page. The characters are difficult to decipher but appear to be a continuous block of text.

○友兄祝三遠百三十公行述

憶予出就外傅時與兄朝光遊於笕川雲軒丁公
之書院是時英才畢至少長咸集見有敬謹自持
虛懷若谷者予兄奇而問之丁公曰此予兄秀峯
之冢子也乳名壽多年雖無幾而文理頗順兄請
課藝閱之果有出於羣季之表者兄喜遂以女妻
之逮其甫入黌宮而親翁仙遊於是仔肩家政無
暇詩書卒不獲雁塔之遷焉嗚呼斯亦有志未逮
耳然其居心也不喜人禍不恃己長肫匕乎爲誠

篤之儒其制行也非分不取非義不與斷斷矣有
耿介之風且其撫幼弟也訓詩書擇連盟不蓄私
財不霸良田是誠仰不愧而俯不作者矣不佞技
實雕蟲才慚襪線誼切金蘭之好情深膠漆之孚
罔不自揣畧紀之以述其大概焉耳

書

嘉慶貳拾壹年歲次丙子秋八月之吉

眷弟郡庠牛施仁頓首

○文尺跡三載五三十八公行收

燭山公行傳

行文三十一

予弱冠時與朱兄桃溪同受業於朱雪巖夫子時
王彤三先生亦設帳河陽間時與吾師聚談各問
及門高弟彤三先生嘗語吾師曰吾徒有丁姓者
本係富家子而絕無膏粱氣天資穎悟過人好學
孜孜不倦似可成大器者師應之曰果如是他日
定居吾輩上也迨嘉慶丙寅歲試桃溪受知於潘
宗師首拔冠軍者卽丁兄名宗望字文謨號燭山
予憶彤三先生前言已有明徵又喜桃溪之得同

年益友也燭山遊庠後猶勵志芸窗習舉子業鄉
 試屢膺薦取吾鄉老成咸推重之其同里樓官間
 先生合邑博儒也燭山亦師事之宜間先生憫縉
 邑百有餘年科第寥七半由有志赴科者艱於資
 斧在郡寓與同志商欲捐資興佳會深慮獨力難
 支燭山聞而喜出望外即向宜間先生懇懇而言
 曰先生此志誠美舉也某雖不才願竭力贊襄焉
 後果不憚跋涉肩隨宜間先生勸捐合鄉殷戶集
 田八十餘畝建右文館編館志一切鄉試水脚會

課諸事燭山之力居多謬蒙不棄邀予與桃溪共
理其事十餘年來予得稔其爲人性和平處宗族
鄉黨從無爭競昆仲有五其萱堂先逝事父先意
承志家庭翕順不聞詬訾聲凡姻婭友朋有患難
則拯援之值貧乏則周濟之洵一鄉之善士也吾
聞德盛者嗣必昌善積者慶有餘燭山得男三孫
一固可享一堂嘻匕之樂矣乃年逾五十竟赴修
文之召同輩均痛惜之令人深長思焉茲值盛族
有修乘之舉爰集同人聊叙其行誼登諸簡末俾

之後覽者亦將有感於斯人

昔

道光十有八年歲次戊戌仲秋月

穀旦

筠川弟陶 薰頓首拜撰


愛弟 朱耀周 虞 檣 王如松

陶 芬 樓世英 張 鑾

徐 榮 朱 潤 朱芳楊

陶席珍 陶宗魯 陳仲方

張 鑑 朱自南 全識



○茂才世勳割股救親贊

吁嗟乎孝子之割股而不覺其創也蓋迫於天性
之至而烏可例以人事之常懼雞豚之不逮存也
違計髮膚之弗可傷冀血肉之或能療也詎止藥
餌之必親嘗恨精誠之難格幾寸斷其肝腸洵事
親而竭力宜


湯侯之表章豈惟邑志傳其芳家乘增其光固將
興晉夏方梁陸襄同千載以名揚

縉雲學訓導余 偉拜撰

比先言 卷十九
○世勲先生割股救親贊

箕川水清且澹箕川里有孝子孝子爲誰濟陽其
氏聲雋鄉譽行孚邑里日耕筆耘足供甘旨椿庭
不豫久困狀第藥餌無靈鍼砭莫恃遑恤髮膚罔
敢傷毀割股以療庶乎可已幸而霍然弗藥有喜
不匱孝恩誰堪比擬刻木家風後先濟美用告輶
軒採登國史


道光己丑年歲進士候選訓導趙維英拜撰



○兄宗茂才世勲割股救親贊

邈矣吾宗漢京河內髫齡失恃鏤像祇對事之如
生嗟余不逮慈以旨甘無間朔晦嚴親違厲願以
身代割股療治肝腸欲碎族黨心欽遠及朋輩焜
耀後先邑乘馨載

嘉慶癸酉科選拔雲波汝廉拜撰



歐陽文忠公集卷之十一

御寒成功顯格特赦黨心為戮又恐輦臥

不致慈以吉甘無問應報報報報報報報

歐陽文忠公集卷之十一

○只宗數十世應在報報報報


恭祝

善齋先生八十壽序

八千歲曰春適際春陽之始三十日爲月又當月
正之終斯時也風蕩七藍雪飛三素輕黃柳綫眼
自然舒淺絳梅綃眉何曾歛星開鐵銷看來旬日
之前露滿銅盤飲至八風而後續柏葉椒花之頌
便足延齡歌紫莖綠蒂之詩剛逢上壽蓋正月二
十五日爲

善齋先生八旬初度也萊衣繞膝欲逼青雲梁案

齊眉久藏絳雪星臨太甲業焜耀於五雲慶展降
 寅更鱗集夫多士人或章成似錦三祝並伸我何
 墨惜如金一辭莫贊第以丁年負笈肄業黌宮庚
 日陳經叨部義塾分金蓮之一席竽原濫吹萃玉
 筍以同堂鐘還待叩何況萍蹤偶合向未傾蓋以
 譚心槐里屢經終歉入林而把臂即欲託諸豪素
 曷敢漫為雌黃但去臘令甥屢斬握槩新正賢阮
 又丐捉刀索兩部之蛙鳴揚千齡之鶴筭竊恐管
 中窺豹原無補於高明海上測蠡轉貽羞於大雅



蓋先生者族出箕川道

南山公始圖遷徙度地排山之側卜宅迴石之濱莊
曾近郭郡屬濟陽刻木養親廿四人之孝思永錫
夢松生腹十八公之佳兆常徵登虎觀以校經名
高漢殿入芸窗而學易帥事田何紹此家風宜登
仕版顧乃情輕軒冕性癖山林亦曾曷以詩書而
餽貧之糧易盡非不納於軌物而致富之策難忘

尤賴

孺人鄭氏黽勉同心既得寸而得尺慇懃課子亦

乃武而乃文佇三鳳以冲霄順風可遇蔭一椿而
 被隴接壤堪期婚嫁兩全向平之願已了負輪交
 美張老之頌允傳而且雀角能平解紛不利其倒
 廩游蠅頭盡淡公帑敢潤私囊入則含飴弄孫優
 游福地出則搢笏喚侶流覽仙都洵所謂與溪山
 作主貧受煙霞之供養者矣今則人稱曰耄不待
 疑年境值而康又逢勝日幸一四人
 人之首出署九品之頭銜子婦稱觴孫曾舞綵唱無
 愁之曲思此樂兮未央填紘那之辭願主翁兮長

作英

爲霸館職莫遂私棕擬遣孫枝代伸賀悃如
山如阜業取義於九盤杖國杖朝更借觀於五老
則此日年齊尙父雖未載酒以介麋他時筭軼羅
侯定許躋堂而稱兕爰爲之頌曰壽兮壽兮天所
豐壽兮壽兮地所鐘壽兮壽兮人所重在天兮爲
南極之兆在地兮爲南山之島在人兮爲錢鏗之
老君得天兮滿百斯年君得地兮貲產豐贍君得
人兮子秀孫賢予聞君兮爲人積善予知君兮爲
地行僊予祝君兮福壽綿延

昔

龍飛咸豐二年歲次壬子端月下澣穀旦

進歲士候選儒學訓導雲樵趙維英頓首拜撰

鄭兆卿 樓成周 馬西來 鄭日多


族耀清 朱朝英 胡周賓 鄭冠卿

施其傳 朱承聰 沈思濂 李樹楹

麻日增 胡朝恩 陳仲芳 陳大璋

虞 檯 謝希莊 李時炳 徐文藻

楊兆鱣 周尙文 呂占熊 李景熊



鄭甸南 施廷勳 盧際鎔 樊殿光

施廷洵 朱 桐 楊國棟 陶錫玠

王 繹 朱 琦 施汝清 應 謙

陳克滿 呂成雄 趙步雲 李 庚

章文耀 馬汝魁 朱自南 沈懷洛

鄭錫疇 鄭國華 楊士芳 朱作元

虞 燮 馬朝雄 施汝周 陳虞封

楊燮楹 陶國鎔 尚得璜 趙 祥

陳炳煌 樊培榮 馬用賓 盧 青

朱定朝 孫姚炳

姪堦施聖斗 鄭水心



子堦施連寅 鄭輔周

甥堦廬國楷

族弟棣安 松年 芷升

族姪 日暄 鴻翺

全頓首拜


瀑川侍教孫曾傳薰沐敬書

奉祝

慎庵公八十壽序

昔堇子有云壽者酬也自行可久之道者其壽酬
於久非若山澤之臞掘草烹石以自私其筋骨它
人莫利已獨以愉智狹者反讐言之而以爲壽且
神也若吾宗臺慎庵翁者其殆行可久之道而
獲所壽於天者耶翁性純篤樂施捨其待族姻
也睦處里黨也和於劬書說學之士有加禮焉初
父樸誠公舊居篔川力穡者幾何年至晚歲家

業漸起好行其德而量有未周然翁之聆諄屬
 於庭訓者蓋已匪伊朝夕矣自是席豐履厚克勤
 克儉又得內助楊孺人之賢不勞經紀而增益
 者視前不啻倍蓰此天特予以為善之資而非第
 以富貴福澤厚其生已也邑舊有金蓮書院曩嘗
 視食其中每遇烈風雷雨惴七焉如立巖牆之下
 謂安得有誦杜老廣廈之句大庇邑之寒士使俱
 歡顏者乎時宰茲土者楚南謝蘭軒良吏也甫下
 車即以敬教勸學為務憫金蓮之日久就頽也亟



欲議捐余曰側聞宗兄慎庵有志於此幸樂甚
屬介邀翁至署愆懇以堅之意遂果旣而鳩工
庀材拓基重構費金二千兩有畸昔五代竇禹鈞
建義塾數十楹聚書萬卷延名師以教厥後五子
相繼登科今翁克步竇氏後塵適有五喆嗣發
軻翼序中諸孫亦頭角嶄然殊迴凡器嘉慶庚辰
及道光壬辰先後大稜道殫相望邑尊命同人
齋簿捐書二鄉設厰數十所煮糜以賑翁目擊
之惻然曰設厰煮糜使餓者蒙袂輯屨嗷乞就食

於十餘里外所施博而所濟未必衆也因思遠祖
叔顯公正統間歲饑出粟二千石舉救坊表猶存
家頗饒益何忍獨飽遂傾困倒廩以率里人全活
者無筭今翁春秋八十高矣楊孺人少翁一
歲十月二十有五曰爲翁攬揆之辰是日也嶺
上樵新籬根菊老凍醪已熟有飶其香於是止翁
之族姻里黨與邑人士相率而來諗曰翁仁人
也某等無以答高義願乞一言以當手斲之介廉
不敏乃卽其不爽之德少詮次焉復爲之頌曰矍

鑠哉 翁雅量寬中大善小善於世可風齒頰
縷莫罄形容行之永久樂與人同然則天之所以
酬之其將如陽郡侯之位元功乎抑將如漢尚書
之慶生松乎而豈惟眉梨畫鮐於其躬乎言既訖
遂授之以爲壽

昔

龍飛三年歲在癸丑小春月穀旦

嘉慶癸酉科選拔宗愚弟汝廉拜撰

戚友

趙維英

虞

檣

朱

湛

徐

榮

樓成周 呂榮祺 朱潮 黃銘

王維松 樊崧高 吳廷綸 朱旌

馬西來 黃培庚 陳仲方 胡詩

朱朝英 盧際鎔 趙琳 柯怡顏

朱鑄 宋作賓 陶必良 李玉華

尚得璜 章燦 張望進 麻書詔

施汝周 楊芬 弟興如 姪汝嘉

姪松年 孫治三 遇文同 全頓首拜

奉祝



慎庵先生七十壽聯

捨米作雙弓數里粥香膺厚報

封公占十八一庭松茂祝長春

又八十壽聯

庇我精廬二十年以上

介翁眉壽八千歲為春

雲樵弟趙維英頓首拜

○慎庵姨丈德配楊孺人生傳

易曰地勢坤君子以厚德載物坤地道也亦母道

也德厚載物也亦載福也顏於姨母楊孺人嘗敬

佩勿諉焉孺人與顏母同為東山楊邑庠生楊振

廷公女自幼秉性溫柔及長歸笈川貢生慎庵公

善事舅姑勤於家政慎菴公家業日益饒裕孺人

與有助焉舉丈夫子五咸能濟美今年已八十有

三孫男十餘人曾孫濟濟尤未艾焉慎菴公長孺

人一歲亦康健異常與之偕老夫富貴為人生之

大欲壽考乃舉世所難言而孺人竟能備是是亦

可謂修德而獲福者矣而顏更有進焉初先母生

顏於東山外太父家甫週歲母又生妹時方以撫
字爲艱孺人年逾十齡卽慨然以顧復自任一切
出入起居愛護之至鞠育之勤卽顏母字兄弟輩
初不是過迨孺人將賦于歸而顏回父家時顏年
已十歲矣厥後顏有成立謁孺人於篔川方念吳
天罔極問視莫伸孺人且戲謂顏曰汝少予督責
過嚴汝恨予乎顏俯首聽之心怍匕有動恍若聆
諄誨於依依膝下時啼笑交集愈覺低回畱之不
能去也孟子曰親親而仁民仁民而愛物孺人之

視顏

如子也非厚於親者乎厚於親者必不薄於

人故晚年家計富厚慎庵公重建金蓮書院孺人

為之贊成嘉慶庚辰及道光壬辰慎庵公賑救里

之貧窶孺人為之勸施此豈凡為樹德者所可同

日語哉嗚呼婦女鮮有識量即衣服之細飲食之

微其視兄弟之子娣姒之子固有漠不關心者况

推鬻子之恩以及其甥乎恆情惟計身家凡堂構

之麗奉養之隆亦止厚乎已與其子孫而已而族

之人不得蔽其風雨給其饔飧者不知凡幾况創

爲大廩以庇闔邑之人士傾其高廩以救里人之
饑寒乎孺人待顏之厚德顏固不能報其萬一孺
人及人之厚德亦非顏之口舌所能道其萬一特
其德厚若此其福之所載嘗不止是故傳之以誌
敢忘至慎庵不於之盛德世固有傳之者初無俟
顏之贅述云

昔

龍飛咸豐七年歲在丁巳荷月

甥郡庠生柯怡顏頓首拜撰

欽定四庫全書

三



例貢生

名世球

號

心齋行遠四百十一公壽序

恭祝


心齋先生大人六旬榮慶

歲己酉花朝後四日爲

心齋先生六旬覽揆之辰

黼庭學兄思斟康爵用

介蒼齡而屬予爲文以侑之予維東浙多名勝之
區括蒼尤秀靈之窟峰連台嶽王方平寄跡之鄉
水接甌江陶宏景卜居之域仙都山畔代有異人
更隱罔邀世多奇士玉樓瓊闕閒遺丹鼎之華芝



草醴泉不數元霜之藥居斯土也有不壽等松喬
年齊園綺者歟然而土厚產腴氣固資乎坤軸襪
翔嘏集理尤應於乾符匪藉地靈實由人傑蓋夫
萬年之頌首舉令儀五福之徵必歸好德

翁幼多至性長篤良懷曾叅養志受杖芸瓜仲路承
歡長途負米一經足守效韋相之傳家七業俱興
媿劉殷之教子庭闈敦其穆行鄉里號爲善人素
業是耽塵氛不染朋儕過從罕聞徵逐之風戚邨
周旋務絕紛華之習謹錢刀之出納筦鑰緘藏緬

弓冶之畱遺箕裘纘統可謂守身如玉度己以繩者矣今夫尺短者寸長苦節之貞能積未必能散也德豐者才嗇通材之目有守尤貴有爲也

翁灑潤枌榆分甘桑梓疏廣散金每周窮乏徐陵得俸或給親知徃徃州閭誦德童稚懷恩縉邑當僻處之交多士鮮掄文之院羣倡義舉共建考棚

翁乃分任鳩工未遑燕息竹頭木屑殫日經營崇尺脩尋隨時規畫非其勇於爲善厚於濟人者歟以茲陰德之耳鳴遂致繁釐之踵起竇家丹桂叠見

言
九十九
三
五枝馬氏白眉更先諸俊或聲振環橋之秀或名
高璧水之英或鴻舉鵠立致青雲或麟子鳳雛
羣稱玉雪而德配王孺人亦復莊妹儷德阻勉

同心少君提壺力挽鹿車德曜賃春共襄鴻案一
門燕喜羣彥蟬聯美意延年修德獲福夫奚必遠
希黃老相與守乎庚申乃可仰媿絳人得擬筭其
甲子也哉茲者獻羔令序撲蝶佳辰蓬萊仙杏早
開五色之花瑤水蟠桃亦綻千年之萼恭逢晉筆
共慶懸弧華堂祝嘏定廣集夫鳳舞鸞笙綺席敷

詞竊自附於鶯簧蝶板焉爾是爲序

昔

道光二十九年歲在屠維作噩律中無射月穀旦
賜進士出身翰林院編修現選江南道御史道光己

亥科舉人 蘭谿縣根石唐壬森頓首拜撰并書

拔貢生 王星文 端木 百祿 周士芳 朱其鈺

周錫璜 吳世琛 祝鳳儀 田慶餘

嚴用光 鄭 淮

舉人

程觀海 侯選分府 王萬清 王邦彥 貶贈分府 朱 昭

例貢 朱 堦 樓大觀 廩生 朱有輝 朱澤厚

附貢 趙國基 王朝綱 王者輔 王朝綸

太學 傅乾滋 王武功 朱 貞 王維清

王維英 王國豐 樓樹文 胡旭華

邑庠 朱煥然 王定邦 樓上清 朱 桐

增廣 胡文華 仝頓首拜賀

○葆真公行狀 遠一百三十七

宗翁諱廣業字載遠號葆真行三邑東距城五里
材落名山其舊居也父鳳如公母李氏家貧五歲
失恃祖母鄭撫育之至八歲祖母亦亡步兩兄賣
薪度日年十七復失怙翁性勤小物有巧思食梓
人業稍稍椿積至三十四歲出贅潛莊李宅時李
氏年未字以服勞得堂上歡翁在舅家先後十寒
暑翻然曰依人不如自立作工不若務農况有一
椽之支一瓦之覆可當在野廬乎於是偕李氏回

不數載而家業隆起兩兄相繼逝殮埋費皆出私
橐里有昏娶事或乞假款門卽應不問踈逃無論
姻族居面水爲好溪上游舊有永濟橋雨水新漲
則特舟歲久當修翁率先捐復行旅便之生平不
侮人遇尊長則敬於祖宗有加焉初方廣二公祭
器猶假祀禮或幾乎廢厥後經紀之購上田若干
畝染盛牲用出其中惟翁之力居多女四子三長
作壬曩隸館下弱冠舉茂才次奎銘翁命爲其二
兄後亦年富劬書蔚矣其文三維劍幼業儒逮上

丁翁仍督就傅則曰兄弟三人均讀書有田不種
非計也兒願以耕稼爲業翁以爲然遂聽之孫三
翁生於乾隆丁酉卒於道光丙午享年古稀李少
翁兩紀今猶健存梳櫛家政蓋井井有條云

昔

龍飛咸豐七年歲在丁巳荷月

嘉慶癸酉科選拔宗愚弟汝廉拜撰

○葆真先年暨 德配李孺人象贊

肅乎其 諒如其容藝進乎道士兼爲農幼失怙

特六母少儼書嚴畫荻教凜折蓼以引以翼成允
成功初筮偃蹇漸兆素封義方垂訓芥拾類宮萊
衣繞膝榮梓敬恭稀齡甫屆高朗令終儒林景慕
先生之風 閨苑名葩盤根仙李曰嬪義陽合歡
連理井臼親操聿工鍼指不逮姑嫜莫潔滌滄春
露秋霜特豐孝祀黽勉同心挑燈課子芹沼霏香
棣跗濟美飴弄孫曾廓充田里如噉庶竿老而愈
吉藻繪斯圖千秋仰止

候選儒學訓導雲樵趙維英拜撰

○行道六百五十二公行狀

宗翁名西岳字華山世居篔川家貧樂善幼力學
比長而兼耕德配施孺人子三女二有田十餘畝
歲豐僅足衣食性好施善事種種奉行閭里之天
殤者瘞埋淺土尸骸暴露爲購隙地捐建保童一
塔高丈餘深半之廣又半之躬親督率先後百餘
日不倦遇有失火者翁周救之錢自百而千或數
千米自升而斗或四五斗其多寡之數以分之踈
戚爲差主力修葺社廟裝潢佛像敬惜字紙合造

磚厚悉以先時或缺需售膏炭以濟之不少惜
它若寒則火籠暑則漆扇又其小惠之波及窮簷
者凡此散給餘貲皆翁之力農事與其孺人之勤
女工銖積寸累而得之者也若夫施棺以恤死舉
救以活人禁賭以正風俗排難以解紛爭譜牒備
詳之矣茲不復贅翁嘗就余談述先正格言曰生
人多財或罹兵戈疾疫水火盜賊之厄積而能散
庶可免此自謂與其老婦生平未嘗服藥子若孫
均能自食其力予所華也者特小善耳天之佑之

如是況大善乎予非敢望報也天人之相感召者然也旨哉是言不可謂知道者乎翁博覽諸善書於孝經尤加意每日早起焚香禮神讀書若干遍卽出門行路亦默誦不輟今年七十有八矣精神猶少壯時範曰身其康強子孫逢吉吾無以爲翁頌也卽持是語以爲翁贈

告

龍飛咸豐七年歲在丁巳瓜月穀旦

嘉 癸亥科選拔宗愚弟汝廉拜撰

三
四
五
六
七

三



